



石倉十二代詩選

宋詩卷之十三

高齋集

宋西安趙 并著

明後學曹學佺閱

過胡元賓林亭內伐木感年歲感逝水也

我嘗輕歸轅一息快心目亭橋跨幽澗廡砌森
怪竹榜句多老詞襟風不韻俗開卷味加永照
泉清可掬先秋固爽塏大夏失煩燠樂哉于道
外視此樂豈足

晉周敦頤濂溪書堂

卷十三 葉士

吾聞上下泉終與江海會高哉廬阜間出處濂
溪派清深遠城市潔淨去塵堪毫髮難遁形鬼
神縮妖怪對臨開軒窗勝絕堪圖繪固無風波
虞但覺耳目快經史日枕藉斗室不爲隘有尊
足以羹有魚足以鱠飲啜其樂真靜正于俗邁
主人心淵然澄徹一內外本源孕清德遊咏吐
嘉話何當結良朋講習取諸兌

寄酬蔡州王陶正言

自顧愚無堪老大何所用得郡江湖來一意雲

泉縱驚此西南身連夕東北夢乃知故人念許
與明月共荆書一紙賢季諾千金重寄我瓊瑤
篇使得長諷誦寒松獨唳鶴高梧有鳴鳳何日
謝知音爲鼓商絃弄

遊南山宿盤龍寺

盤龍得山名寺占山之下老師草庵居後嗣廣
精舍禪流日益盛寂照騰詩價我來誨其徒競
以相誇詫少林的的意一語獨無暇默然坐明
窓孤蟾徹清夜遲曉登終南行行與誰話

順風呈前人

濠州抵泗里數百長淮波平曉如席鳴鞞解絳
楊柳堤畫舫中有東吳客君恩得請許歸去聊
治里閭去咫尺歲窮天遠心欲飛念之汲汲事
行役豁如天意適我願號令西北起風伯初時
淅淅似鼓動布帆尚留十幅窄孤檣得勢安以
平中流激箭巨浪擘棹橫櫂閣力不用疾若摯
隼增羽翮瞥然兩岸瞬霎過木葉馳黃山走碧
擎舟月餘今日快一樽自歌兩手拍樽中酒空

不自歌順風好景如之何毗陵太守同此樂爲
言無惜新詩多

入顛聞曉角有作

江南歷盡佳山水獨顛潺湲三百里移舟夜泊
皇恐灘畫角烏烏曉風起棲鷗宿鷺四散飛夢
魂驚入漁樵耳三通迤邐東方明又是篙工造
行矣橫波利石千萬層板繩縛顛如山登夷途
終致險且升自顧忠信平生憑

訪何若谷

君愛仙源壓塵俗高樓對起欄干曲朝霞灼灼
浮晴暉二十四峯照羣玉樓下長江煙水綠樓
前有瀨歸艤促主人借問何時還回首崢嶸看
不足

次韻僧重喜聞琴歌

我昔所寶真雷琴絃絲軫玉徽黃金畫橫膝上
夕抱寢平生與我爲知音一朝如扇逢秋捨而
今只有無絃者無情曲調無情聞浩浩之中都
奏雅我默彈兮師寂聽清風之前明月下子期

有耳何處聽自笑家風太瀟灑

暖風

薄袂歌雲散輕盤舞袖低簾疎蕩樓閣塵暗逐
輪蹄絮亂垂楊道香流種藥畦春窓惱閒思一
枕杜鵑啼

芳草

翠密馴文雉叢深隱畫輪離披金谷曉寂寞茂
陵春古渡班荆客長堤走馬人芊芊似袍綠一
雨一番新

寒食郊園卽事

城郭青煙散郊園彩日長
鬪鷄紅錦翅遊騎紫
絲韁有蝶俱含粉無人
不惜芳儘拚花下飲歸
去醉成鄉

杜鵑

響亂書窓外人驚夢枕中
江城啼曉月澤國慙
春風柳道盤殮綠桃園
躑躅紅年年來此地留
恨任西東

溪山晚目

幽花連徑發驚鳥避人啼
雨過晴虹上風清走
馬嘶灘平魚艇穩村小
酒旗低誰及山翁樂號
嘷醉似泥

村居

午寢忘譏刺閒居杜送迎
雨泥雙燕下煙壠一
犁耕座入山光迥門連
野色平吟餘仍兀坐誰
與戰楸枰

文獻曲館

日華烘玉甃煙縷亘雕甍
棗熟房櫳暝花妍院

歷代詩選 宋趙汝愚 卷十三 五
落明醉輕春有味夢短晝無情欲識悒悒意回
文織已成

題九仙寺

墜果春三徑蒸雲晚一軒廊腰回戰蟻山腹合
啼猿泉淡禽窺影苔深鹿印痕自慚名利者聊
免世紛喧

題酒言懷寄三兄

泔牒非吾土逢春憶故園于今佐犀帳經歲別
鷓原訟簡仍開卷時平且屬鞬江鄉去千里窺

聽一銷魂

和何節判觀水

澄江抵練長極目路滄茫煙芷差差綠風荷柄
柄香西流終古恨南浦鎮時乍擬待傳辭意離
人在楚鄉

和蔡黃裳節推外邑見貽次首

冉冉成輕別遲遲想倦遊去應寬蕙帶行亦佩
吳鉤訪隱逢三徑尋真認十洲有人頻倚望何
日大刀頭

江上白樂天祠

我愛白司馬停舟來謁祠才名千古照忠義一
生竒諫切寧思祿讒行却罪詩如何江上客祇
道琵琶詞黃裳補詩長句長韻六首

有虎

有虎競磨牙逢人事攫拏夜聲聞別塢曉跡印
平沙迫路奔驚犬藏林噪亂鴉過舟無可奈極
口是蒹葭

寄任大中秀才

今我歲將暮過橈鸚鵡洲憶君人少與買舍澱
江頭客路書多絕吾鄉夢半遊明年誰到蜀能
寄好書不

向晚

向晚立汀沙人間目更賒林疎僧屋露風轉客
帆斜幽白孤飛鳥橫紅數抹霞漁翁偶相問憐
我宦天涯

和戴天使重陽前一夕宿長沙驛二首

詰旦逢佳節今宵寓遠鄉且欣賓榻解休歎客

亭長黃葉臨風亂紅萸泥露香酒徒何處所空
自憶高陽

又

楚館夜衾涼離人念故鄉遠吟祇覺苦歸夢不
成長壁有寒蛩怨鄰聞綠蟻香登高在何處明
日宴山陽

寄友聞楊叟病愈

湖南楊叔武消息有人傳連歲征蠻徼經秋卧
瘴煙爲時天未喪勿藥病還痊雲水溶溶去憑

誰寄此篇

入蜀舟中逢春

春到依羈旅懷開似發緘野禽鳴勝管春草綠
手衫水暖風微碎出明日半銜巴西寒極地冰
雪尚千巖

矣自入蜀江上對月

照不私毫髮波光上下浮明餘到琴淡清極入
詩幽忽認江湖晝渾疑天地秋閒雲勿輕蔽有
客坐孤舟

和韻范御史初出鑠頭

奏懷初無飾天恩亦重違一麾新命下兩漿故
關歸淮木林林脫霜鴻陣陣飛賢朋詩酒樂行
矣自相依

雲尚續夢中作

邊寄今儒弁帷籌得將才甘辛均士卒號令走
風雷驚曉城聲急吹秋隴笛哀先聲羌膽碎聞
道漢兵來
經鄱陽湖

捨陸事川程霜天曉色明長波萬頃濶大舸一
帆輕靜唱村漁樂斜飛渚鴈驚雲披見樓閣隱
隱豫章城

次韻周敦頤國博重陽節近見菊

爲僚初自喜邀客亦逢嘉把酒須同樂分襟莫
預嗟未成登畫舸好共摘黃花試向東籬看秋
叢映晚霞

留題脩覺山

按行車暫尼身得止崢嶸江喜淙淙聽雲疑步

歷代詩選 宋趙清獻 九
步生春憐花縣好晴遠劍關明買石鑄篆句高
哉老杜名

次韻吳中復龍圖題長橋舖

山東去蜀右不憚客程遙酒酌杯中桂琴携爨
下焦故人題大筆佳句刻長橋一讀離懷解如
冰暖日消

次韻李元方秀才秋日旅懷

節物笑爲感秋懷不自任曉寒侵遠夢秋力助
高吟薄脫驚風葉疎春隔水枯商絃調一曲惟

子定知音

題靈山寺

我爲靈山好登留到日曛岩幽餘暑雪鐘冷入
秋雲篇詠惟僧助塵煩與俗分明朝入東棹因
得識吾文

王未送章岵少卿提舉洞霄宮

秘館紅塵外瑤京白日邊樽中不空酒琴面已
無絃曉上朝真閣春耕負郭田優游獲自在何
處更神仙

覽先祖太傅留題國清寺繼和

得謝殊狂客無言愧淨名
心觀潭月白梵聽海潮聲
曉色開華頂秋暉照赤城
公詩播人口冰玉未爲清

早離溫江夜泊白沙步

曉與諸孫別依然頗動懷
去乘蘭棹穩行得絲衣
借漁父遙連市村扉
半掩柴夜來溪上宿
夢已在高齋

急帆

江濶北風長高帆盡幅揚
勢能分巨浪力恐拔危檣
鷗鷺頻驚迫魚龍相助忙
峯巒旋岸碧木葉走汀黃
快似登山去輕于插羽翔
一程三百里晚泊未斜陽

初入荆江

迢遞辭宸闕遷延換歲華
舟纔入荆渚人覺在天涯
浪激多推岸流濡足沸沙
勢盤帆小便漲淺路頻差
橫艇叉魚浦搖旗賣酒家
山微思念越江窄止通巴
煙色汀蕪淡風光野燒斜
蠻歌

歷代詩選 宋起清肅 十一
朝競唱桐鼓暮連槌渡口初逢柳林邊未見花
前程春始盛一詩待誇

大武庭楠

彼美庭楠植基培幾十年夜來全庇月曉去薄
生煙萬葉光齊動雙株影共圓幽棲疑有鶴清
響爲留蟬飲對傳三雅琴依按七絃河陽花自
媚彭澤柳空眠勢翳門闌靜幽侵几案鮮不才
逢訟簡吟遶強成篇

玉照蜀倅楊瑜邀遊罨畫池

占勝芳菲地標名罨畫池水光菱在鑑岸色錦
舒帷風碎花千動煙團柳四垂巧才吟不盡精
筆寫徒爲照影搖歌榭分香上酒卮主人邀客
賞和氣與春期

來云寄謝雲安知軍王端屯田

舊邦逢胸臆靈地接岷峨任嶺排煙火懸巖引
薜蘿雨花凝錦濯晴水甚藍接遠地之官去孤
舟走嶮多出麾無一事傾蓋首相過幸不麾塵
外欣承在澗阿春光千騎駿天色百城和賞物

歷代詩選 宋起清獻
樓新構鑄文石旋磨爲時卽慷慨得友盛吟哦
世重黃金諾人傳白雪歌投壺傾立馬飛鏑屢
鳴鼉局戰遲敲玉杯歡亂酌螺坐來風入袂歸
去月流波我愧才疎拙生微術揣摩主客勤勞
來行色覺蹉跎匪用詩爲好懷離可柰何

江上遇雪

凍雲交四隅飛雪滿江湖急勢團風轉閒客到
水無命遊魚喜唱失侶鴈驚呼客棹沿灣泊村
醪覓徑酤去程方數蜀歸思正遙吳得句同諸

弟余懷幸不孤

遊青城山

三十六峯峻維岷在蜀竒方行刺史部重欵丈
人祠凍雪諸蕃隔晴雲六面披訪山窮寶洞勅
鬼覘豐碑泉落寒崖響蘿依古木垂良玉存舊
筆老叟琢新詩陟險齊雙屐逢幽鼓七絲盤桓
不忍去還作更來期

除夜泊臨江縣言懷

縣封蕭索楚江澄旅况吟懷冷似冰漏促已交

新歲鼓酒闌猶剪隔宵燈立身從道思無愧得
路忘機患不能未報君恩踰四十青春還是一
番增去對吾更來賦

筆未送交代楊推官齊魯真致幽遠士絲盤酥
三載從軍績用成代還京闕黯離情亭長且作
班荆飲江迥愁聞唱棹聲前席去當回帝問初
筵今已號賓榮交承參袂宜敦好莫惜殷勤重
報瓊

東余初入峽

峽江初過三遊洞天氣新調二月風樵戶人家
隨處見仙源雲路有時通峯巒壓岸東西碧桃
李臨波上下紅險積惡灘名幾許晚停征棹問
漁翁

同萬州相里殿丞遊溪西山寺

使君呼客入山行曉徑前驅照彩旌蠻女背樵
鼎側避番僧携刺馬頭迎千層雲水迷三峽六
闕人煙認百城樓閣憑餘清我聽竹風簫瑟澗
泉鳴

送崔度推官任滿還長安

三歲西州此效官
幙中無事有賓歡
瞻雲預喜長安近
歸騎還驚蜀道難
分袂天涯逢臘盡
入關時候正春寒
前途應念朋從意
回首秦亭一據鞍

謁青城山

背琴肩酒上青城
雲為開今月為明
觀宿有詩招主簿
廬空無分遇先生
墻留古畫仙姿活
石載竒文俗眼驚
却念吾鄉山亦好
十年孤負爛

柯行

和見雪

驚恠窮冬百物繁
落梅狂絮逐風飈
酒無戈甲爭酣戰
詩似波瀾競討源
且卸帆檣隈斷岸
好開屏嶂畫孤村
知音若問陽春曲
待把琴調細細論

勉郡學諸生

桐江為守愧顛蒙
來喜衣冠好士風
勸學重思唐史部
教人多謝漢文翁
濟時事業期深得
落

筆詞章貴不空道若未亨須自立莫將榮悴汨
胸中

送范都官

莫惜芳樽細細斟還臺詩句滿離襟海潮風駕
漫幽渚鄉岫雲開認故林八月氣涼歸棹快三
年恩厚在人深紫宸曉拜天光近宜有封囊悟

主心

和前人重九日寄

丁字溪流甚箭奔忍看行色夕陽村三吳望遠

迷煙棹九日登高汎酒樽詩得瓊瑤今有意感
克懷抱更無言歸歟一曲桐江好西北通宵欲
夢魂

次韻鄭琰登睦州高峯塔

舊迹蒙君麗句誇昔同峯頂躡雲霞逢秋謁寺
留詩筆薄暮歸鞍照月華旋酌香醪浮甕蟻鬪
烹新茗滿甌花心餘更作儒官會帳內諸生擁
絳紗

守虔過家登高齋卽事

舊里徘徊忽四旬，高齋高勝足歡欣。
當軒曉看山橫黛，負郭秋成稼覆雲。
酌酒屢邀朋契樂，弄琴真與俗喧分。
虔州莫訝遲遲去，路便恩榮荷聖君。

寄永倅周敦頤

君去濂溪湖外行，倅藩仍喜便鄉程。
九疑南向參空碧，二水秋臨徹底清。
詩筆不閒真吏隱，訟庭無事洽民情。
霜鴻已到衡陽返，遠緒憑誰數寄聲。

次何若谷上巳遊江

板襖追脩宴集開，山川聊爲霽風雷。
衣冠愷樂觴傳羽，旗鼓淒清笛弄梅。
畫鷁穩移隨岸曲，珠禽驚避逐波頽。
百城錦繡人如織，笑看使君乘興來。

和虔守任滿前入香林寺餞別

顧我入趨堯闕去，煩公出餞贛江頭。
爲逢蕭寺千山好，不惜蘭船一日留。
清極往來無俗論，道通何處有離憂。
分携豈用驚南北，水濶風高萬

里秋

次韻衛守陳守言職方招遊爛柯山

賢侯九日去尋山率俗無由得附攀換世昔傳
仙局久登高今喜使車還平原豐稔農歡勸行
獄空虛吏放閒從此爛柯光價起爲留佳句落
人寰

招運判霍交回轅

自邛之雅漸高丘所過從容盡勝遊白鶴山頭
雲裏寺金鷄關外雨中州公今南按蠲民瘼歲

已西成輟土憂江濱荷花開似錦且同歸去採
蓮舟

題運判霍交瞻岷閣

閣外風光滿意新諸公同上看梁岷蜀天六月
雲如火夷界千峯雪似銀巖叟近傳多得壽羽
人曾此數登真夫君不爲神仙事早暮孜孜澤
遠民

次韻蔡仲偃都官南歸留別

留詩爲別重依依春浪桃花曉弄暉柯嶺崢嶸

何處所蘭橈安穩送將歸與君志有雲泉約顧
我心無羽翼飛浮石仙今遺跡在吾廬江畔憶
漁磯

次韻孔宗翰水磨園亭
南洋一綫通機磨更引餘波遶曲池高柳碧陰
無酷暑小蓮紅老惜芳時臨流共賞休辭醉按
轡重來未可期從此邦人爲勝事范公亭榭孔
君詩

再登亭偶作

氣象三齊古得名時登海表最高亭河源一水
千青嶂人物兩城如畫屏邑報有秋期俗阜守
慚無術濟民靈從來獄市并容地且向樽前任
醉醒

答江鉞都官見招

風波岐路益馳奔疎靜嗟誰得似君樂矣夜觴
西嶺月傲然秋釣北溪雲詩章有趣爲千首利
祿無心顧一分雞黍辱招來尉意俗拘何計入
蘭薰

題府庭海櫻

海櫻根幹出楸欄雙勢凌空劍外無長鎖荆榛
嗟廟栢不禁風雨笑庭梧胡僧過識已千歲蜀
守來觀只兩株離立峩峩同壯士側身東望拱
皇都

次韻霍交中春遊樂俗亭

自憐拙政無他狀強繼前賢樂遠民軒豁四簷
芳草岸夷猶千權綠波春岷山霽色塵氛斂錦
里風光氣候新暮角未吹人未散醉歌歡舞共

紛紛

次韻蘇宋遊學射山

錦川風俗喜時平上巳家家出郡城射圃人稠
諠畫鼓龍湫波淨照紅旌迎貞昔詫登天府命
侶今聞出谷鶯勉爲遠民同樂事使臺仍是得
賢陽

次韻臘月不見梅花

隔江氣候不齊時梅向杭開越上遲春遠未通
蓬島信臘深先放武林枝嶺頭素艷從爭發笛

裏孤音却後期虛白堂前攀折看詠公詩句醉
金卮

次韻歲暮有感

歲月如流不用嗟盛衰前定豈曾差自憐覽照
頭渾雪猶喜觀書目未花竺嶺兩曾逢落桂龍
山三見擷新茶春元便欲休官去誰顧杭州十
萬家

清風閣卽事

庭有松蘿砌有苔退公聊此遠塵埃潮音隱隱
海門至泉勢潺潺石縫來夜榻衾裯仙夢覺曉
窓燈火佛書開休官不久輕舟去喜過嚴陵舊
釣臺

杭州上元觀燈

元夕觀燈把酒杯賓朋不倦醉中陪一輪丹桂
當天滿千頃紅蓮匝地開燈火樓臺高復下笙
歌巷陌去還來因民共作連宵樂直待東方明
始回

有懷程給事

却憶東舟去若仙
津亭分袂忽經年
春風境界無多地
夜月湖山共一天
海濶坐觀濤擁鷺
山堂吟聽漏移蓮
新詩在復交情見
巨集成來已百篇
次韻前人蓬萊閣卽事
蓬萊閣外曉光分
夢覺初驚杜宇魂
但有吏供衙府喏
斷無人到訟庭喧
濛濛宿靄開湖面
隱隱更潮過海門
一水兩州皆重鎮
越清杭劇不同論

喜吳評少卿致政

春秋七十更踰期
同甲同年世所稀
未遂乞骸嗟我老
應輸撒手羨公歸
良朋集有湖山樂
故里思無羽翼飛
預想俞音還印日
鷺濤秋色上行衣

次韻程給事郡齋秋暑

老爲鄉郡止偷安
自愧仙踪未易攀
八面松陰籠古寺
三秋桂子下靈山
良朋寄思詩篇裏
高會追歡夢寐間
却憶會稽清曠處
樵風朝暮若

耶灣

觀寶林院塔偶成

寶山新塔冠山形，心匠經營不日成。
突兀几插天，三百尺莊嚴容佛一。
千名王臨泉，寶靈鰓喜上拂雲端。
過鴈驚入境，行人十餘里。拈浮圖認越王城。

次程給事遊梅山寺

上方金碧冠諸峯，知是蓬萊第幾宮。
畫舫去尋湖面闊，危亭登望海門通。
梅仙舊約爲真隱，佛

子新傳唱祖風。我憶前春曾徧覽，至今來往夢魂中。

郡齋成寄前人

退公真靜獨披襟，尚愧前賢探道深。
零落交遊難屈指，崇高軒冕不關心。
未還印綬饒鄉夢，猶倚湖山助老吟。
訟詬虛空人事簡，錢塘安得似山陰。

十八男胤自溫倅，迎于鴈蕩溫守石牧之。

以詩見寄次韻

自諳趨拜力惟艱
 柯嶺歸休遠帝寰
 抱甕不能師老圃
 驅車猶足訪名山
 魚書入手慙慙後
 鴈字排空杳靄間
 多荷主人期我意
 謝公遺跡願躋攀

又白雲庵偶題

紅塵無跡到出家
 留待詩人大筆誇
 坐石與僧談翠竹
 開樽邀客醉榴花
 鷗隨釣叟孤舟遠
 牛載村童一笛斜
 占盡人間瀟灑地
 清風明月有誰遮

送穆舜賓承議致政還鄉

清脩平日得無慚
 學道勤行肯妄談
 軒冕諠譁公始悟
 林泉瀟灑我先諳
 曾憐避弋雲中鴈
 每念纏絲甕裏蚕
 畫舫西歸時節好
 春山如黛水如藍

題濯纓亭

靜處高齋畫杜門
 溪亭來往問開樽
 釣臺逸老心非傲
 浮石仙人跡尚存
 對岸煙林雙佛寺
 隔灘風笛一漁村
 濯纓豈獨酬吾志
 清有滄浪示

子孫

題杜子美書室

直將騷雅鎮澆漓
瓊貝千章照古今
天地不能籠大句
鬼神無處避幽吟
幾逃兵火羈危極
欲厚民生意思深
茅屋一間遺像在
有誰于世是知音

和沈太傅會春晚歸

未醉樽前未可歸
青春九十日芳菲
名園一夜狂風雨
苔上殘花點綠衣

人來次韻見和

去祠靈鎮會真仙
一夕春霖激電鞭
待得歸航已新暑
小荷江上綠田田

題隱者邵醇郊居

驅車乘興謁先生
十里秋光照眼明
淨室寒窓無長物
道書狼藉古琴橫

和曾交見報代者

慣見河陽縣裏花
何時歸種邵平瓜
江東正是鱸魚熟
昨夜西風夢到家

賞春亭

滂葩浩艷滿亭隈當席芳樽醉
看來始信春恩不私物亂山窮處亦花開

無尋高峯塔

上石披松十步勞下窺人物日
元秋毫嗟誰更向孤峯頂樹塔孤撐碧落高

送講僧懷儼從居天柱

卓錫江頭十載餘師心純靜到真如
更嫌城郭人來近移入白雲深處居

登開化寺白賁亭

秋霽濤江氣象寬龍山亭聳佳
雲端老僧欲快吾心目旋剪當軒竹數竿

漁父五首

一帶寒波雪浪流謝郎終日在孤舟
沙鷗數隻和煙落笑倚欄橈獨點頭

月印蒼波入夜寒寂寥燈火水天寬
兒孫未解諳風色幾度舡頭失釣竿

莫笑生涯一葉舟江湖來往自悠悠
絲頭漫有

潭中意逐浪魚兒不上鉤

卧看鰕魚日幾遭蒹葭風起片帆高任公信是

冥冥者只候垂釣鉤巨鼇

輕波拍岸瑠璃碧落日啣山玳瑁紅一曲漁歌

人不會蘆花飛起渡頭空

戒珠寺

乘暇登高百尺巍羲之遺跡見豐碑
戴山下視無窮景况歷山巔是佛祠

高齋

軒外長溪溪外山捲簾空曠水雲間
高齋有問如何樂清夜安眠白晝閒

柳軒

動入和風靜惹煙翠條疎處露池蓮
林中盡是能吟物春有黃鸝夏有蟬

歸歟亭

密徑脩筠郊外居小亭隨意傍歸歟
等閒早暮携筇看池沼東頭是舊廬

歲日示衆

歷代詩選 卷之十三
今年年是去年年此處何曾有變遷穿耳胡僧
曾說破梅花落盡桺生煙

登真巖

殿閣凌空鎖翠嵐
雪晴春色在松杉
芝駢羽駕歸何處
留得雙鳥宿舊巖

石倉十二代詩選

宋詩卷之十三

石倉十二代詩選

宋詩卷之十四

草堂集

明後學曹學佺閱

冬日書事

十月天不暖前村到豈能聞聞啄木鳥疑是打
門僧壞砌平山雪空堂照瀑冰晚來因出戶方
始斲携藤杖

書友人屋壁

達人輕祿位居處傍林泉洗硯魚吞墨烹茶鶴

避煌開惟歌聖代老不恨流年靜想閒來者還
應我最偏

故樓竹玳环

誰製破筠根還同一氣分吉凶終在我翻覆謾
勞君酒欲祈先酌香因擲更焚吾嘗學丘禱懶
把祝云云

上知府寇相公

文武稟全才何人更可陪有官居鼎鼐無地起
樓臺聖主詩方和親王狀始廻鎮臨求二陝調

熒輟三台鳳閣頒重去龍旌暫擁來下車三度
雨上事數聲雷未暇瞻珪璧先蒙話草萊幾思
趨相府恐懼復徘徊

閒居書事

無才動聖君養拙任山村臨事知閒貴澄神覺
道尊成家書滿屋添口鶴生孫仍喜多時雨經
春免灌園

述懷

東郊魏仲先生計只隨緣任懶自掃地更貧誰

歷代詩選 卷十四 二
怨天有名閒富貴無事小神仙不覺流光速身
將半百年

春日述懷

春暖出茅亭携筇傍水行易諳馴鹿性難辨鬪
鷄情妻喜栽花活兒誇鬪草羸翻嫌我慵拙不
解疆謀生書事

秋閒望

水閣開登望郊原欲刈禾壞簷巢燕少積雨病
蟬多砧隔寒溪擣鐘隨曉吹過扁舟何日去江

生負煙簑

秋霽草堂閒望

草堂高迥勝危樓時節殘陽向晚秋野色青黃
禾半熟雲容黑白雨初收依依永巷聞村笛隱
隱長河認客舟正是詩家好風景懶隨前輩却
悲愁

秋日登樓客次懷張覃進士

聞說飄零亦異鄉登樓吟望益悲涼當時欲別
言難盡他日相逢語更長蟬噪水村千萬樹鴈

歷代詩選 卷之四 三
過雲岫兩三行明朝策蹇還無定空凭危欄到
夕陽鴈零亦異激登對如望益悲京當却為限

早起登對客大對眾單士

夜長久待得晨興耽睡童猶喚不磨燒葉爐中
無宿火讀書窗下有殘燈臨堦短髮梳和月傍
岸衰容洗帶冰應被巢禽相怪訝尋常日午起
慵能

上王相公

聖朝宰相年年出公在中書十二秋西祀東封

俱已了好來相伴赤松遊

尋隱者不遇

尋真誤入蓬萊島香風不動松花老採芝何處
未歸來白雲滿地無人掃

啄木

爪利觜還剛殘陽啄更忙千林蠹如盡一腹餒
何妨形小過槐陌聲高近草堂豈能同燕雀惟
解占高梁

附種放詩

夏日山居

陰陰林木靜寂寂無人境
 紅綻紫葳香嵐沈玉膏
 冷看雲時獨坐慎事常
 中省何客馭風來新篁
 動踈影

諭蒙詩

大盈卑百瀆自成浮天溥
 崇丘下累塊竟為蔽日深
 王者在謙小夙推堯禹心
 拜言尊賢仁慎德弃珠金
 自滿九族散匪驕百善尋
 炳茲夏商鑒滅國因誇淫

念向酬陳齋民見寄

竹扉常晝掩幽僻置身安
 自委漁樵分因思出處難
 周庭方設燎漢將尚封壇
 莫問漁樵意人寰事萬端

附曹汝弼詩

歛之休寧松蘿山人曹處士名汝弼字夢得其先青州人南唐時徙歛詩一百五十首傳世日海寧集舒職方雄為序中子屯田郎中炬登第其後以進士仕者六人以恩蔭仕數

十人贈職方員外郎今曹君涇清其九世孫也天禧祥符間高路有聲與林和靖魏野潘園諸詩亦似之

中秋月
 嶽山入曹
 士各
 此
 閱字
 夢得

年年相對賞
 永夜坐吟牀
 衆望自疑別
 孤高非異常
 園林分淨影
 臺榭起餘光
 誰似蟾宮客
 得攀仙桂香

人過隱居
 良夜自
 忽向新春裏
 閒過隱士家
 旋收松上雪
 來煮雨

前茶禽換新歌曲
 梅粧隔歲花應慙
 非遁者難
 女在煙霞
 懷寄披雲峰
 誠上人

院高窮木盛
 野極靜無言
 險路通巖頂
 香泉出石根
 微風飄磬韻
 幽鳥啄苔痕
 常記相留夜
 秋堂共聽猿

江城從別後
 聞說在松間
 度日長
 扃戶終年不下山
 靜為詩所役
 閒免事相關
 應喜雲邊客
 冥

搜髮未斑

贈披雲降岳長老

禪外掩松扃，眠度歲陰雨。侵香篆濕苔，長屐
痕深水在銅。餅冷雲歸玉磬沈，前山有靈藥時。
策杖藜尋，應尋歸園自和苔。與常時時留文水
剡高，贈僧。一從叨命服，乘輿入天台。院接石橋住，門臨瀑
布開。松間應獨坐，雪裏更誰來。時復携藜杖，看
雲上古臺。

張維詩

太守馬太卿會六老于南園

賢侯美化行南國，華髮欣欣奉宴娛。政績已聞
同水薤，恩輝遂喜及桑榆。休言身外榮名好，但
恐人間此會無。他日定知傳好事，丹青寧羨洛
中圖。

庭鶴題

戢翼盤桓傍小庭，不無清夜夢煙汀。靜翹月色
一團素，閒啄苔錢數點青。終日稻梁聊自足，滿

前雞鶩漫相形已隨秋意歸詩筆更與幽栖上
畫屏

玉蝴蝶花

雪朶中間蓓蕾齊驟聞尤覺繡工遲品高多說
瓊花似曲妙誰將玉笛吹散舞不休零晚樹團
飛無定撼風枝漆園如有須為夢若在藍田種
更宜

歸燕

社燕秋歸何處鄉羣雛齊老稻青黃猶能時暫

栖庭樹漸覺稀疎度苑墻已任風庭下簾幙却
隨煙艇過瀟湘前村認得安巢所應免三池揀
杏梁

閒砧亦幾承水澗難心亦謝宸機油煙亦

遙野空林砧杵聲淺沙栖雁自相鳴西風送響
暝色靜久客感秋愁思生何處征人移塞帳即
時新月落江城不知今夜搗衣曲欲寫秋閨多
少情

宿後陳庄

臘凍初開茗水清
煙村遠郭漫吟行
灘頭斜日鳧鷺除
枕上西風鼓角聲
一棹寒燈隨夜釣
滿犁膏雨趁春耕
誰言五福仍須富
九十年餘樂太平
請入客爐煖想思
坐酌黃昏人送塞
到唯貧女杯林盤
炙心酥孤月卧即
西風

蒿簪掠髮布裁衣
水鑑雖明亦懶窺
數畝秋禾滿家食
一機官帛幾梭絲
物爲貴寶天應與
花有秋香春不知
多少年來豪族女
總教時樣畫蛾眉

孤帆

其言不論其長也公不出山而見于

江心雲破處遙見去帆孤
浪濶疑升漢風高若泛湖
依微過遠嶼彷彿落平蕪
莫問乘舟客利名同一途
送丁遜秀才赴舉

鵬去天池衆翼隨
風雲高處約先飛
青袍賜宴出關近
帶取瓊林春色歸
人少事繁書食不論
孫覺莘老序云富貴而壽考者人情之所甚
慕貧賤而夭短者人情之所甚哀然有得于

此者必遺于彼故寧處康強之貧壽考之賤
不願多藏而病憂顯榮而夭短也贈尚書刑
部侍郎張公諱維吳興人少年學書貧不能
卒業去而躬耕以爲養善教其子至于有成
平居好詩以吟咏自娛浮游閭里上下于溪
谷湖山谷之間遇物發興率能成章不事雕琢
之巧采繪之華而雅意自得徜徉閒肆往往
與異時處士能詩者爲輩蓋非無憂于中無
求于世其言不能若是也公不出仕而以子

封至四品亦可謂貴不治職而受祿養以終
其身亦可謂富行年九十有一可謂壽考夫
享人情之所甚慕而違其所哀無憂無求而
見之吟咏則其自得而無怨懟之辭蕭然而
有沈澹之思其然宜哉公卒十八年公子尚
書都官郎中先亦致仕家居取公生平所自
愛詩十首寫之縑素號十詠圖傳示子孫而
以序見屬予旣愛侍郎之壽都官之孝爲之
序而不辭都官字子野蓋其年八十有二云

周密齋東野語云宋有兩張先皆字子野其一博州人天聖三年進士歐陽公爲作墓誌其詩天聖八年進士則吳興人也二人名姓偶同又適同時不可不知也陳振孫詩日平生聞說張三影未詠誰知存乃翁遐想盛時生恨晚恍如身在畫圖中未詠存宿清江小舍六首破損僅存一旬菰葉青青綠荇齊云

其與本西歸當言平戎中

石倉主二代詩選附錄宋詩卷第十四

終

喜英宋史本傳

林逋字君復杭州錢塘人少孤力學不爲章句性恬淡好古弗趨榮利家貧衣食不足晏如也初放遊江淮間久之歸杭州結廬西湖之孤山二十年足不及城市真宗聞其名賜粟帛詔長吏歲時勞問薛映李及在杭州每造其廬清談終日而去嘗自爲墓于其廬側臨終爲詩有茂陵他日求遺藁猶喜曾無封禪書之句旣卒州爲上聞仁宗嗟悼賜諡和靖先生賻粟帛逋善

歷代詩選 序
行書喜爲詩其詞澄淡峭特多奇句旣就槁隨
輒棄之或謂何不錄以示後世逋曰吾方晦迹
林壑且不欲以詩名一時况後世乎然好事者
往往竊記之今所傳尚三百餘篇逋嘗客臨江
時李諮方舉進士未有知者逋謂人曰此公輔
器也及逋卒諮適罷三司使爲州守乃素服與
其門人臨七日葬之刻遺句內壙中逋不娶無
子教兒子宥登進士甲科宥子大年頗介潔自
喜英宗時爲侍御史連被臺移出治獄拒不肯
行爲中丞唐介所奏降知蘄州卒于官

公山遺稿

宥登進

言然中丞書不測奏制成禮限卒言

石倉十二代詩選 宋詩卷之十五

孤山遺稿

宋錢塘林逋撰
明後學曹學佺閱

閔師見寫陋容以詩奉答

顧我丘壑人煩師與之寫北山終日懸風調一
何野林僧忽焉至欲揖頃方罷復有條上猿驚
窺未遑下

監郡太博惠酒及詩

塵事久謝絕園廬方晏陰鏗然郢中唱伸玩清

人心况復對尊酒百慮安能侵何以比交情松
桂寒蕭森太軒惠西文精
與未送牛秀才之山陽省兄

之子詠陟岡別我歲時晏後夜失羣鶴高天着
行鴈楚山遠近出江樹青紅間尊酒無足辭離
愁滿行盼良寫到公以詩本

湖樓晚望

湖水混空碧憑闌凝睇勞夕寒山翠重秋淨鴈
行高遠意極千里浮生輕一毫叢林數未遍杳

靄隔漁舸小湖

秋日西湖閒泛

水氣弇山影蒼茫已作秋林深喜見寺岸靜惜
移舟疎葦先寒折殘虹帶夕收吾廬在何處歸
興起漁謳湖興

上湖閒泛艤舟石函因過下湖小墅

平臯望不極雲樹遠依依及向扁舟泊還尋下
瀨歸青山連石埭白水入柴扉多謝提壺鳥留
人到落暉

西湖舟中值雪

浩蕩彌空濶霏霏接水濱
舟移忽自却山近未
全分凍軫開清泛溫爐接薄薰
悠然詠招隱何
許歎離羣

湖村晚興

滄洲白鳥飛山影落晴暉
映竹夫初吠弄船人
合歸水波隨月動林翠帶
煙微寺近疎鐘起蕭
然還掩扉

湖山小隱

園井夾蕭森紅芳墮翠陰
書岩松鼠靜春塹竹
鷄深歲課非無林家藏獨有琴
顏原遺事在千古壯閒心

小隱自題

竹樹繞吾廬清深趣有餘
鶴閒臨水久蜂懶採
花疎酒病妨開卷春陰入荷鋤
嘗憐舊圖畫多半寫樵漁

小隱

門徑獨蕭然山林屋舍邊
水風清晚釣花日重

歷代詩選 朱林和詩 三
春眠苒苒苔衣滑磷磷石子圓人寰諸洞府應
合署閒仙

半寫北山晚望

晚來山北景圖畫亦應非村路飄黃葉人家濕
翠微樵當雲外見僧向水邊歸一曲誰橫笛兼
葭白鳥飛

古律中峯

中峯一徑分盤折上幽雲夕照前村見秋濤
嶺間長松含古翠衰藥動微薰自愛蘇門嘯懷

賢思不羣

出曹州

詩懷動歎嗟驢立帽陰斜雨灤生新蘗茅叢夾
舊槎午煙昏獨店岡路透誰家幾日江南興扁
舟泊岸沙

大盱眙山寺

下傍盱眙縣山崖露寺門疎鐘過淮口一徑入
雲根竹老生虛籟池清見古源高僧拂經榻茶
話到黃昏

歷代詩選 卷十五 五
翠微亭

亭在江干寺清涼更翠微
秋階響松子雨壁上
苔衣絕境長難得
浮生不擬歸旅懷何計是西
崦入斜暉

翠微亭水亭

金井前朝事林僧問不知綠苔欺破閣白鳥占
閒池清楚曾經晉荒唐直到隋南廊一聲磬斜
照獨凝思

賀中峯行藥却望北山因而成詠

拂石玩林壑曠然空色秋歸雲帶層巖疎葦際
滄洲固自堪長往何爲難久留庶將濠濮想聊
作剡中遊

和梅聖俞雪中同虛白上人來訪

湖上玩佳雪相將惟道林
早煙村意遠春漲岸
痕深地僻過三徑
人閒試五禽歸橈有餘興
寧復比山陰

思和朱仲方送然社師無爲還歷陽

歸路過東關行行一錫間
破林霜後月孤寺水

邊山頂笠衝殘葉腰裝歇暮灣香燈舊吟社清
思逐師還

送昱師赴請姑蘇

同載闔閭人衣囊覆氎巾新煙赤岸暝融雪大
湖春鐘遠移齋候香遲止定身當知舉如意寶
地雨花頻

送越倅楊屯田赴闕

越中分治罷山水別來初詩景多留石船痕半
載書野程江樹遠公讌郡樓虛待赴嚴徐召清

風滿直廬

送思齋上人之宣城

林嶺藹春暉程程入翠微泉聲落坐石花氣上
行衣詩古情懷澹禪高論語稀蕭閒水西寺駐
錫莫忘歸

洞霄宮

大滌山相向華陽路暗通風霜唐碣久草木漢
祠空劍石苔花碧丹池水氣紅幽人天柱側茅
屋灑松風

歷代詩選 宋林和靖 六
送僧休復之京師

金錫指歸鴻田衣獵曉風春江片席遠松月一
房空新句別離後舊山魂夢中到京當袖刺館
閣盡名公

寄思齊上人

松下中峯路懷師日日行靜鐘浮野水深寺隔
春城閣掩茶煙晚廊迴雪溜清當期相就宿詩
外話無生

寄清曉閣黎

前時春雪晴林壑趣彌清幾憶山陰講兼忘谷
口耕樹叢歸夕鳥湖影浸寒城還肯重相訪柴
門掩杜蘅

寄曹南任懶夫

關門却坐忘一燼隱居香午瀨懷泉瀑秋耕負
晚岡道深玄草在貧久褐衣荒料得新交者微
吟爲楚狂

詩壁

數題留粉堵還勝在屏風坐讀棊慵下眠看酒

歷代詩選 宋林和靖 七
恰中僧房秋色冷山驛晚陽紅更有棲遲句家
徒一畝宮

宿洞霄宮

秋山不可盡秋思亦無垠碧澗流紅葉青林點
白雲涼陰一鳥下落日亂蟬分此夜芭蕉雨何
人枕上聞

湖上隱居

湖水入籬山遶舍隱居應與世相違閒門自掩
蒼苔色過客時驚白鳥飛賣藥比常嫌有價灌
園終亦愛無機如何天竺林間路猶到秋深夢
翠微

湖上晚歸

卧枕船舷歸思清望中渾恐是蓬瀛橋橫水木
已秋色寺倚雲峯正晚晴翠羽濕飛如見避紅
蕖香嫋似相迎依稀漸近誅茅地雞犬林蘿隱
隱聲

湖上初春偶作

梅花開盡臘亦盡春暖便如寒食天氣色半歸

湖岸柳人家多上郭門船文禽相並映短草翠
 漁欲生浮嫩煙幾處酒旗山影下細風時已弄
 繁絃

西湖春日

爭得才如杜牧之試來湖上輒題詩春煙寺院
 敲齋鼓夕照樓臺卓酒旗濃吐雜芳薰巖壑濕
 飛雙翠破漣漪人間幸有簑兼笠且上漁舟作

釣師

西巖夏日

蕙帳蕭閒掩弊廬子真巖石坐來初為驚野鳥
 巢間乳懶過隣僧竹裏居新溜遙涼侵久話晚
 雲浮潤上殘書何煩強捉白團扇一柄青松自
 有餘

賦讀夏日即事

石枕涼生茵閣虛已應梅潤入圖書不辭齒髮
 多衰病所喜林泉有隱居粉竹亞梢垂薄露翠
 荷差影聚遊魚北窗人在羲皇上時為淵明一
 起余

孤山後寫望

水墨屏風狀總非作詩除是謝玄暉谿橋裊裊
穿黃葉樵斧丁丁斫翠微返照未沈僧獨往長
煙如淡鳥橫飛南峯有客鋤園罷閒倚籬門忘
却歸夏口明連

孤山閣偶書

遶舍青山看未足故穿林表架危軒但將松籟
延佳客常帶嵐霏認遠村吳榜自能凌晚汰湘
纍何苦屬芳蓀餘生多病期怡養聊此棲遲一

避喧

孤山寺

雲峯水樹南朝寺祇隔叢篁作並隣破殿靜披
壑曰古齋房閒試酪奴春白公墀閣幽如畫張
祐詩牌妙入神乘興醉來拖木屐翠苔蒼蘚石
磷磷

西湖山

混元神巧本無形匠出西湖作畫屏春水淨于
僧眼碧晚山濃似佛頭青樂樞粉堵搖魚影蘭

歷代詩選
卷之五
杜煙叢閣鷺翎往往鳴榔與橫笛細風斜雨不堪聽

采石山

危閣閒登日漸曛畫屏晴雨枕江濱秋稜瘦出無多寺古翠濃連一半雲坐卧不拋輪釣叟往來長見屬鷗羣翻然却怪宣城守是甚將移李
白墳

園池

一徑蘅門數畝池平湖分漲草含滋微風幾入

扁舟意新霽難忘獨繭期島上鶴毛遺野跡岸傍花影動春枝東嘉謝夢曾今在獨愧憑闌負碧漪

園廬

柴關寒井對蕭辰自愛棲遲近古人閒草滿庭終勝俗好書堆案轉甘貧橋邊野水通漁路籬外青山見寺隣懶爲躬耕詠梁甫吾生也是太平民

安福縣途中作

詩景紛拏且按鞭壞橋危磴已鳴泉雲根野店
多沽酒山崦人家亦種田谷鳥驚啼衝宿雨野
梅愁絕閉寒爐玉梁閣皂堪行徧回得臨江卽
坐船谷水書掛茶轉甘食齋數裡水飯煎留
梁關雪共樓蕭亦自愛對我或古人開草
皓然窓戶曉來新畫軸碑廳絕點塵洛下高眠
應有道山陰清興更無人寒連水石鳴漁墅猛
共松篁壓寺隣酒渴已醒時味薄獨援詩筆得
天真意淡雲橫示風懶四月上歸手戲裡

山舍小軒有石竹二叢闕然秀發因成
青帘有酒不妨賒素壁無詩未足誇所重晚芳
聊在目可關秋色易爲花深枝苒苒粧溪翠碎
片英英剪海霞莫管金錢好行市寂寥相對是
山家

送馬程知江州德安

酒酣無復耿離腸一路之官盡水鄉公廨寒生
對廬阜客帆風定泊潯陽陂涵洲渚初收潦露
浥蒹葭未作霜到日何人先刺謁二林開士在

歷代詩選

宋林和靖

琴堂

送文光師遊天台

天姥山深搖錫杖野芳春翠共葳蕤松門過水

無重數石壁看霞到盡時閒避鳥啼應作觀忽

聞人跡自留詩秦中河朔嘗遊覽莫恨此方行

脚遲

集賢李建中工部嘗以七言長韻見寄感

存懷沒因用追和

清絕門墻冷似冰野人懷別昔曾登新題對雨

分蕭寺舊夢經秋說杜陵貧典郡符資日給老

持臺憲減霜稜開元文字鍾王筆惆悵臨風共

燼燈

天竺酬畫師西湖春望

笛聲風煖野梅香湖上憑闌日漸長一椽樓臺

圍佛寺十分煙雨簇漁鄉鷗橫殘葑多成陣柳

映危橋未着行終約吾師指芳草靜吟閒步岸

華陽

天竺西湖孤山寺後舟中寫望

歷代詩選

宋林和靖

卷十五

天竺橫分景色寬，孤山背後泊船看。
林藏野路秋偏靜，水映漁家晚自寒。
拂拂煙雲初淡蕩，蕭蕭蕭蘆葦半衰殘。
汀鴻數點誰驚起，書破晴雲粉字乾。

聞靈皎師自信州歸越以詩招之

天師蒼翠橫金錫，地藏清涼掩竹扉。
千里白雲隨野步，一湖明月上秋衣。
詩尋靜語應無極，琴弄寒聲轉入微。
我亦孤山有泉石，肯來松下共忘機。

和人病起

展轉匡牀乍起來，縹缸細帙亦慵開。
三年一尉湖山在，誰識神仙本姓梅。

宋章秀才

閒却清尊掩縹囊，病來無故亦淒涼。
江南春草舊行路，因送歸人更斷腸。

送大方師歸金陵

渺渺江天白鳥飛，石城秋色送僧歸。
長干古寺經行了，爲到清涼看翠微。

皇禽名祇有前聞孤引圓吭夜正分一唳便驚
寥泬破亦無閒意到青雲

書行自作壽堂因書一絕以誌之

湖上青山對結廬墳前秋色亦蕭疎茂陵他日
求遺稿猶喜曾無封禪書

石倉十二代詩選

卷之十五 終

石倉十二代詩選

宋詩卷之十六

滄浪集

宋

蘇舜欽著

永叔月石硯屏歌

明後學曹學佺閱

日月行上天下照萬物根向之生榮背則死故
為萬物生死門東西兩交征晝夜不暫停胡為
號山石留此皎月痕常存桂樹散疎陰有若圖
畫成永叔得之不能曉作歌使我窮其源且疑
月入此石中分此兩曜三處明或云蟾蜍好溪

山逃遁出月不可關浮波穴石恣所樂常娥孤
坐初不覺玉杵夜無聲無物來搗藥常娥驚推
輪下天自尋捉遠地掀江踏山岳二物驚奔不
復見留比玉輪之迹在青壁風雨不可剝此說
亦詭異余知未精確物有無情自相感不問幽
微與高邈老蚌吸月月降胎水犀望星星入角
彤霞爍石變靈砂白虹貫巖生美璞此乃西山
石久爲月照著歲久光不滅遂有團圓月寒輝
籠籠出輕霧坐對不復嗟殘缺蝦蟇從汝惡紫

吻可能食此清光沒玉川子若在見必喜不徹
此雖石中時有靈光發土怪山鬼不敢近照之
僵仆肝腦裂有如君上明下燭萬類無遁形光
艷百世無虧盈

中秋松江新橋對月和柳令

月晃長江上下同畫橋橫絕冷光中雲頭灑灑
開金餅水面沈沈卧綵虹佛氏解爲銀世界仙
家多任玉華宮地雄景勝言難盡但欲追隨乘
曉風

春睡

別院簾昏捲竹扉朝醒未解接春暉身如蟬蛻
一榻上夢似楊花千里飛嗒爾暫能離世網陶
然直欲見天機此中有德堪爲頌絕勝人間較
是非中州外玉滌滌禮日休如令

覽合元殿基因想昔時朝會之盛目感其

與廢

在昔朝元日千門動地來方隅正無事輔相復
多才仗下簪纓肅天中繖扇開皇威瞻斗極曙

色辨崔嵬赤案波光卷鳴鞭電尾回熊羆驅禁
衛雨露覆蘭臺橫賜傾中帑窮奢役九垓只知
營國用不畏屈民財翠輦還移幸旻天未悔災
羣心尊困獸回首變寒灰曾以安無慮翻令世
所哀行人看碧瓦獨鳥下蒼苔雖念陵爲谷遙
知禍有胎青編遺跡在此地亦悠哉

田家詞

南風霏霏麥花落豆田漠漠初垂角山邊夜半
一犁雨田父高歌待冬獲雨多蕭蕭蠶簇寒蠶

婦低眉憂繭單人生多求復多怨天公供爾良
獨難

夏意

別院沈沈夏簟清石榴開遍透簾明樹陰滿地
日停午夢覺流鶯時一聲

春陰垂野草青青時有幽花一樹明晚泊孤舟
古祠下蒲川風雨看潮生

望太湖

杳杳波濤閱古今四邊無際莫知深潤通曉月
爲清露氣入霜天作暝陰笠澤鱸肥人膾玉洞
庭橘熟客分金風烟觸目相招引聊爲停橈一
楚吟

附潘闥詩

日悲敘吟

高吟見太平不耻老無成髮任莖莖白詩須字
字清搜疑滄海竭得恐鬼神驚此外非關念人
間萬事輕

夏日宿西禪

此地絕炎蒸深疑到不能
夜涼知有雨院靜若無僧
枕潤連雲榻窗明照佛燈
浮生賤骨役時日恐難勝

歲暮自桐廬歸錢塘晚泊漁浦

久客見華髮孤棹桐廬歸
新月無朗照落日有餘輝
漁浦風浪急龍山煙火微
時驚沙上雁一背南飛

秋日題瑯琊山寺

巖下多幽景且無塵事喧
鐘聲晴徹郭山色曉當門
深洞藏泉脉懸崖露樹根
更期來此宿絕頂聽寒猿

落葉

片片復落落園林漸向空
幾番經夜雨一半是秋風
靜擁莎階下閒堆蘚徑中
谷松與巖檜寧共此時同

渭上秋夕閒望

秋夕滿秦川登臨渭水邊
殘陽初過雨何樹不

鳴蟬極浦涵秋月孤帆沒遠煙漁人空老盡誰
似太公賢

陶弼

兵器

五代乏真主奸雄紛僭偽橫磨濶刀劍白日相
篡弒我宋皇太祖潛德動天意神物既有歸乃
卽皇帝位不惠兆民樂不怒諸侯畏顛倒執玉
帛奔走恐後至獨有陰山戎時時寇邊地天子
赫斯怒大警巡澶衛射殺古賢王遂斷匈奴臂

狼心帖然服結好同昆弟卒聞喜夜歌將老合
春睡自此爲太平恍逾三十歲戎昊乘我間南
馳賀蘭騎陽關久夜開樞朽不可閉陣雲起秦
雍殺氣橫涇渭使臣股慄奏宰相嗔日議僉曰
亟發兵豎子坑甚易倉皇築邊壘未戰力先瘁
通邊開庫兵士蝕鋒鏃防秋採舊屯推轂謀
新寄舊屯老且死少者無實藝良由不訓練手
足迷擊刺新寄將家子從小生富貴六韜未嘗
讀口但知肉味師復從中御進退由闔寺權輕

號令定兩戰無遺類曹公棄七軍晉人獲三帥
吾兵自此喪有詔新其製此器不預設一旦何
從致朝廷急郡縣郡縣急官吏官吏無他術下
責蚩蚩輩耕牛拔筋角飛鳥禿翎翅斡截會稽
空鐵烹董山碎供億稍後期鞭朴異他罪愁氛
擁太虛霽景晝冥晦我聞郭汾陽料敵多奇異
單箠論突厥番酋膝雙墜又聞李西平臨戎有
英氣身著紅錦袍懷光肝膽碎是知用兵術在
人不在器君耳舜高聽君目舜明視願採謀畧
長勿倚干戈銳

公安縣

門沿大堤入路趁淺莎行樹短雲根拔山窮地
勢傾孤舟難泊岸遠水欲沈城半夜呼津口煙
中荻火明

送趙樞寺丞宰虔化縣

路入虔雲去如何輕解携人煙五嶺北星斗大
江西暖雪梅花樹晴雷贛石溪青衫欲無淚不
奈鷓鴣啼

出嶺題石灰舖

馬渡嚴關口生歸喜復嗟天文離巷舌人影背
含沙江勢一再曲梅梢三四花登高休問路雲
際是吾家

中丞重到陽關

五管新多事輕車屢往還勤勞成白髮故舊是
青山樹色纔分楚江聲未出蠻自慚迎候少無
惠及孤鰥

吟石

已下俱
在欽州

守邊無一事江上得閒吟醉嚳歌微出狂書墨
不深潮痕沒高岸月色透疎林此意無人解宵
分淚滿襟

東湖

寧越佳山水東湖帶郡城月天高寺影春雨一
橋聲石上青蒲合沙中白鳥橫天涯正寥落獨
往若爲情

西湖

寧越佳山水西湖似浙城桂多天竺子潮欠海

門聲路向林梢轉天隨野色橫從茲棲泊者無
復渡江情

五言題霞溪驛

今屬全州

歌聲野色中人樂歲時豐暑雨陰陽雜秋田早
晚同嶺雲無烈日江樹足涼風自指香山語前
村有路通

登邕州南城臺

江國家書少秋臺閒草生無人來遠渡盡日上
高城落照懸漁市孤煙起戍營東園故籬菊又

向酒中傾

登崑崙臺

落照古城隅邊風動隼旗久閒忘戰畧多病熟
醫書白髮隨年短新情與世疎桃花春水起還
釣舊溪魚

題陽朔縣舍

石壁高深遶縣衙不離牀衽自煙霞民耕紫芋
爲朝食僧煮黃精代晚茶瀑布聲中窺案牘女
蘿陰裏勸桑麻欲知言偃絃歌化水墨屏風數

百家
天
涯
亭
黃
蘇
外
如
茶
影
亦
帶
中
窳
案
獻
文

雨色絲絲風色驕
天涯亭上覺魂銷
一家生意付秋瘴
萬里歸心隨暮潮
兵送遠人還海界
吏申遷客入津橋
山公對此聊酣飲
怕見醒來兩鬢凋
途次葉縣觀千葉桃花
三月官桃滿上林
花開千萼費春心
葉公城外襄河北
一樹無人色更深

林
兵
登
潮
月
亭
暮
山
數
竹
香
湖
真
火
煉
熱
合
甲
渡
頭
人
語
知
潮
上
下
看
南
江
東
北
流
試
引
輕
帆
學
歸
去
茶
山
溪
淺
却
回
舟
對
人
對
花
有
感
得
莫
欣
欣
失
莫
悲
古
今
人
事
若
花
枝
桃
紅
李
白
薔
薇
紫
問
着
春
風
自
不
知
石
延
年

瀑布

飛勢挂岳頂
無時向此傾
玉虹垂地色
銀漢落

天聲萬丈寒雲濕千巖暑氣清滄浪何足羨就此濯塵纓

詠春

一氣回元運恩含萬物深陰陽造端數天地發生心有信來還逝無私古到今和風激遺暢南轉入薰琴

曹太尉西師

仁者雖無敵王師尚有征獨乘金廐馬都領鐵林兵肅氣關河暮屯煙部落晴旗光秋燒合甲

色夜江橫士喜擊中鼓虜疑聞後鉦寒踰博望塞春宴隗囂城外使戎心伏旁資帝道平公還如畫像為贊學班生

贈劉潛歸陶丘

丈夫未大用身與仁義閑可宜更聚散風塵摧厥顏君今歸柯澤路出梁宋間芒碭有吾廬親老待我還羨子先諧願思親頭鬢斑韶光苦不再溝水長潺湲

金鄉張氏園亭

亭館連城敵謝家四時園色鬪明霞窗迎西渭
封侯竹地接東陵隱士家樂意相關禽對語生
香不斷樹交花縱遊會約無留事醉待參橫月
落斜
秋夕北樓與才美開河宜更舉
秋霽露華清帶水月明天色白連河夜闌澄景
生微動瑟瑟層樓上下波

生色深紅綬帶長宮簾開在井欄香母家昇上

瑤池品先得春風半面秋

采劉敞外高鑿共心對

小孤山

驚波觸南崖反怒射北壁蒼山與相排所謂小
孤石蟠根萬仞淵聳角千丈碧祠堂豁精嚴行
旅進粉澤或云婦女神盼蠻頗有迹吾知定名
意似欲旌介特流俗失其真傳聞莫開釋先王
秩山川禮典有廟食奈何媚于竈屈已忘正直
吾欲爲小孤作書解行客復恐不見從嗟哉世

多感為小雜詩效玉川體奈何千言風日五直
毀巢鳳不至竭澤龍不遊賢者有所歸得非龍
鳳儔周公下白屋聖德被九州趙禹謝賓客漢
朝以為優澆淳不相襲用舍何其繆苟狗一身
利不為萬姓謀哀彼杖杜詩死生遺道周

示張直溫

築山必使高鑿井必使深百工戒淺近盛德羞
浮沈焉有尺寸枝能棲垂天禽焉有升斗泉能
容橫江鱗借茲諭物理足以開君心隘在容不
足弱在力不任大道如路然固無古與今

雜詩

齊有梁丘據晉有樂王鮒據能愛晏嬰鮒欲殘
叔譽二臣嬖兩朝事君為悅豫景有尚賢志據
逆以為助平失宥善心鮒乃速其去母以攄為
賢易地則同趣丈夫處世間必有遇不遇豈無
覺者平正色君亦悟區區嬖幸徒何忍就朋附

荒田行

大農弃田避征役小農挈家就兵籍良田茫茫
少耕者秋來雨止生荆棘縣官募兵有著令募
兵如率官胥慶從今無復官勸農還逐魚鹽作
亡命

逐伯強詞

寶元二年余羈旅淮南醫來言曰今茲歲
多疾疫余因作文以逐伯強伯強厲也能
爲疫者故逐之

皇皇上天今后土浩浩厥生孫繁今其施甚溥

陶陶仲夏今草木蕃蕪鳥獸孳息今我民樂胥
我民孔靈今上帝是仁天子聖今百工日新上
無糝政今下無悖人鄰里其集今樂哉欣欣伯
強何爲今孰畀以政反世五福今持極以令我
民不怡今旣爽其盛白黑眩瞖今孰察其正謂
壽反天今謂康反病仁義無益今苟且爲幸嗟
爾伯強今其獨何必絕世和氣今俾民不任上
天孔神今大德曰生天不可長罔今民不可久
侵天誅誠加今安所避雷公驅今風伯逝嗟爾

伯強兮何所詣南有蠻兮為寇為逋西羌戎兮
 恃艱自虞天子孔仁兮靡焉畢屠伯強在兮代
 天伐誅嗟中國兮不可久留子不去兮顛倒思
 予又天兮歸泉又誅之其無益兮昔且忍幸與
 夫不漁翁漁翁其益白黑淵其五
 白頭老翁披敗蓑求魚終日學淮波波深水濶
 望不絕網目雖繁能幾何大魚鱣鱓入淵底小
 魚鯤鯢登網裏手皸足趺吁可憐何不為網夫
 如天且今草木蒼蒼

劉劭上行書

仕不至二千石賈不至五百萬此事夸者憂而
 非志士歎君不見下邳少年受書起幄中運籌
 制千里功成不受二萬戶拂衣歸從赤松子君
 不見計倪半策誅強吳鷗夷扁舟浮五湖三致
 千金不自擅至今籍籍宗陶朱大賢富貴不為
 已心事邈與常人殊逢時致身如反手雲蒸龍
 變無時無君勿愛上書獻賦稱賢豪刺繡倚市
 相矜高丈夫昔曾笑徒勞商賈旦旦爭錐刀

茂陵徐生老且迂一心區區長信書拜章北闕
三待報意欲霍氏安無虞那知世主心不同積
惡未極難爲功徒薪曲突事不爾壯侯幾人當
受封高岸爲谷丘淵移魯酒之薄邯鄲圍人生
快已各以時舊意望君君不思

燕州行

自胡請盟供貢職關西二紀剽兵革胡人歲來
受金帛地雖國本胡不惜帝家將軍勇無敵謀

如轉圜心匪席精誠動天天不隔鑿空借籌皆
碩畫賈生屬國試五餌買臣朔方發十策偏師
倏然盡西海一月三捷猶餘力百蠻解刀慕冠
帶五郡掃地開城壁葱嶺波隨蒲類深回笑秦
弁與禹績尚書論功易等差御史行封自明白
武功貶爵十萬金徹侯印組丈二尺奮行過望
理自爾少從進熟來無極憶昔漢武開西域天
下騷然苦征役哀痛輪臺置肥美割弃造陽損
斗僻豈知洮河宜種稻此去涼州皆白麥女桑

被野水泉甘吳兒力耕秦婦織行子雖爲萬里
程屋人坐盈九年食熙州歡娛軍事息天王聖
明丞相直

金陵懷古次韻

虎踞羣山帶遶江爲誰興國爲誰降高臺麋鹿
看無數廢苑鳧鷖去自雙萬事朝雲隨逝水百
年西日照虛窗白門酒美東風快笑數英雄盡
一缸

春草

春草綿綿未有名水邊原上亂抽縈似嫌車馬
繁華地纔入城門便不生

詠史曲

自古邊功緣底事多因嬖倖欲封侯不如直與
黃金印惜取沙場白鬪髀

絕句
天開正氣宮蘇蘇古跡門日氣
青苔滿地初晴後綠樹無人晝夢餘惟有南風
舊相識徑關門戶又翻書

寄王荆公
豐天千煖煖愁卧公卦育雙更

青苗助役兩妨農天下嗷嗷怨相公惟有蝗虫
知感德却隨車騎過江東

題館壁

壁門金闕倚天開五見宮花落古槐明日扁舟
江海去却從雲氣望蓬萊

自沈括

江南曲

新秋拂水無行跡夜夜隨潮過江北西風卷雨
上半天渡口微涼含曉碧城頭鼓響日脚垂天
際籠煙鎖山色高樓索莫臨長陌黃竹一聲無
北客時平田苦少人耕惟有蘆花滿江白

幽命

山木嘯兮雲幽幽秣我歸馬兮無為久留江廳
翔兮雨漫漫回余車兮水漸憶仲何為兮中野
澹將洋兮疎駕目遊兮形留鬱逍遙兮日下瀉
慕兮流觀舜節兮浩望駟黃戾兮靡騁旋吾輪
今焉往不我虛兮斯辰思何為兮執掌夢瀾六

沈存中詩選

丞相高齋半草萊舊時風月滿亭臺地從日月
 生時見眼到江山盡處回三國是非春夢斷六
 朝城闕野花開心隨潮水漫漫去流向煙村半
 日來新令相公日許令許留書畫畫今日下
 歸計
 住山人少說山多空只年年憶薜蘿不是自心
 應不信眼前歸計又蹉跎

姑熟

新晴渡口百花香石子池頭鴨弄黃捲幔夕陽

留不住好風將雨過梅塘

仙都寺風塵昔昔歸歸國高林可外還令賦

苔封輦路主青山鶴馭遼天去不還惟有銀河

秋夜月鼎湖煙浪到人間

歎老
餘悲天憐奇古率來會此亦百亦亦

為覓少年心不得當時感舊悲
潛然情懷此日

君休問又老當時三十年
寒燭照無餘

附晁端友詩
字君成无 樂流東對青八上西 答之矣也

登多景樓
前五卷開神劍寒酒與秋林

樓上無窮景樓前正落暉開軒跨寥廓覽物極
纖微雲破孤峰出潮平兩槳飛東漠看月上西
渡認僧歸木落吳天遠江寒越舶稀魚龍隣海
窟雞犬隔淮圻草色迷千古波聲蕩四圍廢興
懷霸業融結想天機浩浩羣流會沈沈百恠依
登臨真偉觀回首重歎欬

甘露寺

北固山頭寺風煙昔縱觀卧亭秋石很環舍海
濤寒越舶樓前聚江楓戶外丹最宜清夜月虛

閣憶盤桓

早行

馬上雞初唱天涯星未稀驚風時墜笠零露暗
沾衣山下疎鐘發林梢獨鳥飛遠峰煙靄澹迤
邐見朝暉

馬處厚席上探得早梅

嶺梅何處早雪裏看芳菲北陸寒猶在南枝春
已歸曉妝初見妬殘角未成飛引我江頭夢清
香憶滿衣

歷代詩選

石倉十二代詩選

宋詩卷第十六

沈約詩集卷之六
謝靈運詩集卷之六
謝靈運詩集卷之六
謝靈運詩集卷之六

歐陽文忠公集

歐陽文忠公集
歐陽文忠公集
歐陽文忠公集
歐陽文忠公集

宋歐陽文忠公集

四朝國史本傳

淳熙間進

歐陽脩字永叔吉州永豐人四歲而孤母鄭氏親誨之學及冠嶷然有聲宋興且百年而文章體裁猶仍五季餘習鏤刻駢偶泆恣弗振士因陋守舊論卑氣弱蘇舜元舜欽柳開穆脩輩咸有意作而張之而力不足韓愈遺藁閱於世學者不復道脩游隨得於廢書簾中讀而心慕焉晝停食夜忘寐苦志探願必欲并轡絕馳而追

詩選字傳

宋次易公序卷十七

華士

與之僉舉進士試南宮第一擢甲科調西京推
官留守錢惟演器其材不櫻以吏事脩以故益
得盡力於學入朝爲館閣校勘范仲淹以言時
事貶在廷多救論司諫高若訥獨以爲當黜脩
貽書責之謂不知世間有羞耻事若訥上其書
坐貶夷陵令稍徙乾德令武成節度判官仲淹
使陝西辟掌書記脩笑而辭曰昔者之舉豈以
爲利哉同其退不同其進可也久之復校勘進
集賢校理慶曆三年知諫院時仁宗更用大臣

杜衍富弼韓琦仲淹皆在位增諫官員脩首在
遷中每進見勸帝延問執政咨所宜行旣多所
張弛小人翕翕不便脩慮善人必不勝數爲帝
分別之言又上朋黨論其畧以爲小人無朋惟
君子則有之小人所好者利祿所貪者財貨當
同利之時暫相黨引及見利而爭先則反相賊
害雖兄弟親戚不能相保故曰小人無朋君子
則不然所守者道義所行者忠信所惜者名節
以之脩身則同道而相益以之事國則同心而

共濟始終如一故曰君子有朋紂有臣億萬惟
億萬心可謂無朋矣而紂用以亡武王有臣三
千惟一心可謂大朋矣而周用以興蓋君子之
朋雖多而不厭故也脩天性疾惡論事無所回
隱人視之如仇而愈奮厲不顧帝獨獎其敢言
而賜五品服顧侍臣曰如歐陽脩者何處得來
同脩起居注遂知制誥故事必試而後命詔特
除之奉使河東自西方用兵議者欲廢麟州以
省餽餉脩曰麟州天險不可廢廢之則河內郡

縣民皆不安居矣不若分其兵駐金河諸堡緩
急得以應援而平時可省轉輸於策爲便由是
州得存又言忻代岢嵐多禁地廢田願令民得
耕之不然將爲虜有朝廷下其議久乃行歲得
粟數百萬斛使還會保州兵亂以爲龍圖閣直
學士河北都轉運使陞辭帝曰勿爲久留計有
所欲言言之對曰臣在諫職得論事今越職而
言罪也帝曰但言之毋以中外爲間賊平大將
李昭亮通判馮博文私納婦女脩捕博文繫獄

昭亮懼立出之兵之始亂也招以不死既而皆殺之脅從二千人分隸諸郡富弼爲宣撫使恐後生變將使同日誅之與脩遇於內黃夜半屏人告之故脩曰禍莫大於殺也降况脅從乎旣非朝命脫一郡不從爲變不細弼悟而止杜衍等相繼罷去脩上疏曰此四人者天下皆知其有可用之賢而不聞其有可罷之罪小人欲廣陷良善必指爲朋黨欲推動大臣必誣以顯權蓋善人少過惟指以爲黨則可一時盡逐今四

人一旦罷去臣爲朝廷惜之於是邪黨益忌脩因其孤甥張氏獄傳致以罪左遷知制誥知滁州居二年徙楊州潁州復學士召判流內銓時在外十一年矣帝見其髮白問勞甚至又有詐爲脩奏乞汰內侍爲姦利者其羣皆怨怒譖之出知同州上納吳克言而止遷翰林學士於是富弼韓琦復用慶曆故臣稍集士大夫知天子有致治之意相賀於朝脩乞蔡州去帝復納劉敞趙抃之言而止奉使契丹其主命貴臣四人

押燕曰此非常制以卿名重故爾知嘉祐二年
貢舉時士子尚爲險恠竒澀之文號太學體脩
痛排抑之凡如是者輒黜畢事向之囂薄者伺
脩出聚譟於馬首街邏不能制然場屋之習從
是遂變加龍圖閣學士知開封府承包拯威嚴
之後簡易循理不求赫赫名京師亦治旬月改
羣牧使在翰林八年知無不言河決商胡北京
留守賈昌朝欲開橫壠故道回河使東有李仲
昌者欲道入六塔河議者莫知所從脩以爲河

水重濁理無不淤下流旣淤上流必決以近事
驗之決河非不能力塞故道非不能力復但勢
不能久耳橫壠功大難成雖成將復決六塔狹
小而以全河注之濱棣德博必被其害不若因
水所趨增隄峻防䟽其下流縱使入海此數十
年之利也宰相陳執中主昌朝文彥博王仲昌
竟爲河北患狄青爲樞密使有威名帝不豫訛
言籍籍脩請出之於外以保其終嘉祐元年水
災脩上䟽曰陛下臨御三紀而儲宮未建昔漢

文帝初卽位以羣臣之言卽立太子而享國長
久爲漢太宗唐明宗惡人言儲嗣事不肯早定
致秦王之亂宗社遂覆陛下何疑而久不定乎
其後建立英宗蓋原於此五年拜樞密副使六
年參知政事英宗未親政皇太后御簾大臣奏
事間有未可脩必力抗是非臺諫官至政事堂
所論或矯異他執政未及言已而折其短朝士
建白利害及凡所求請必明告之曰某事可行
某事不可行以是怨誹益衆帝將追崇濮王命

有司註議皆謂當稱皇伯改封大國脩引喪服
記以爲爲人後者爲其父母服降三年爲期而
不沒其父母之名以見服可降而名不可沒也
若本生之親改稱皇伯歷考前世皆無典據進
封大國則又禮無加爵之道故中書之議不與
衆同太后出手書許帝稱親尊王爲皇三夫人
爲后帝不敢當於是御史呂誨等六人爭論不
已指脩爲主議皆被逐惟蔣之奇之說合脩意
脩薦爲御史衆目爲姦邪之奇患之則思所以

自解脩婦弟薛宗儒有憾于脩造帷薄不根之
謗摧辱之展轉達于中丞彭思永思永以告之
竒之竒卽上章劾脩神宗初卽位欲深譴脩訪
于故宮臣孫思恭思恭爲辨釋脩杜門請推治
帝使詰思永之竒問所從來辭窮皆坐黜脩亦
罷爲觀文殿學士知亳州明年移青州改宣徽
南院使判太原府辭不拜徙蔡州脩本以風節
自持旣數困汚蟻纔年六十卽乞謝事帝輒優
詔弗許及守青又以擅止青苗錢爲王安石所

詆故求歸愈切熙寧四年以太子少師致仕五
年薨年六十六贈太子太師謚曰文忠脩始在
滁州號醉翁晚更號六一居士天資剛勁見義
勇爲雖機穽在前觸發之不顧放逐流離至于
再三志氣自若不悔也爲文天材自然豐約中
度其學推韓愈孟軻以達于孔氏著禮樂仁義
之實以合于大道其言簡而明信而通引物連
類折之于至理以服人心超然獨鷺衆莫能及
故天下翕然師尊之獎引後進如恐不及賞識

之下率爲聞人曾鞏王安石蘇洵洵子軾轍布
衣屏處未爲人知脩卽游其聲譽譽謂必顯于
世篤于朋友生則振掖之死則調護其家好古
嗜學凡周漢以降金石遺文斷篇殘簡一切掇
拾研稽異同立說于左的的可表證謂之集古
錄奉詔脩唐書紀志表自撰五代史記法嚴詞
約多取春秋遺旨殆與史漢相上下蘇軾叙其
文曰論大道似韓愈論事似陸贄記事似司馬
遷詩賦似李白識者以爲名言中子棐棐字叔

弼廣覽彊記能文詞年十二時見脩著鳴蟬賦
倚于側不去脩撫之曰兒異日必能爲此因書
以遺之用陰爲祕書省正字登進士乙科念父
老不肯仕強之乃調陳州判官終不行脩所爲
文須人代者多出其手脩薨代草遺表神宗讀
而愛之意脩自作也免喪始爲審官主簿官制
局簡詳官太常博士主客考功員外郎議者患
選人員多請令二十五歲而試于銓又守選三
年而後仕進士特奏名者予之官而不使調選

棐曰是非朝廷所以立議本意也且所爲議允
官者欲利士人耳今加年而使守選是反害之
也所謂特奏名者非他儒人老于場屋者也閔
其無成而老故予之微官使霑祿而後歸今乃
授之虛名是終窮之也遂得不變元祐初以集
賢校理爲著作郎判登聞鼓院復徙職方禮部
員外郎知襄州曾布執政其婦兄魏泰恃聲勢
來居襄規占公私田園強市買與民爭利郡縣
莫敢誰何至是指州門東偏官邸廢址爲天荒

而請之吏具成牘至棐曰孰謂州門之東偏而
有天荒乎郤之衆共白曰泰橫于漢南久今求
地而緩與之且不可而又可郤邪棐竟持不與
泰怒譖于布徙之潞州旋又罷去奪校理元符
末還朝歷吏部右司二郎中以直祕閣知蔡州
蔡地薄賦重轉運使又爲覆折之令多取于民
民不堪命會有詔禁止而佐吏憚使者不敢以
詔旨從事棐曰州郡之于民詔令苟有未便猶
將建請今天子德意深厚知覆折之病民手詔

言選序傳 先國陽公 州
止之若有憚而不行何以爲長吏命卽日行之
未幾坐黨藉廢十餘年卒年六十七 史臣曰
由三代以降薄乎秦漢文章雖與時盛衰而藹
如其言擘如其光皦如其音蓋均有先王之遺
烈涉晉魏而弊至唐韓愈氏乃復起唐之文涉
五季而弊至脩復起闕百川之頽波導之東注
斯文正傳進步前古匹夫而爲百世師一言而
爲天下法此兩人足以當之愈不極于用脩用
矣而不極其至然國朝文風彬彬至今脩之功
學士大夫相與尸而祝之可也

有茲亦漫爲

不饒餘

放文酒

序

詩選序傳

宋歐陽公序卷十

十

力

詩選卷十七

宋詩卷十七

如其先

而弊至唐詩

至脩復起闕

學士大夫林與八而論之百世

石倉十二代詩選 宋詩卷十七

居士集

宋廬陵歐陽修著
明後學曹學佺閱

自敘

余本漫浪者茲亦漫為官胡然顛鴟夷託載隨
車轅時士不俛眉默默誰與言賴有洛中俊口
許相躋攀飲德醉醇耐襲馨佩春蘭平時罷軍
檄文酒聊相歡入闕尋野荒陬

昔聞拜馬澗 味蘇我立峰來魏于山劉知至

歷代詩選 宋欽定易水 卷十七 一 士

歷代詩選 卷十七
昔聞王子晉把袂浮丘仙乘駿于此墮吹笙不
復還玉蹄無迹久澗草但荒烟

二室道

二室對岩髡群峯聳嶮直雲隨高下起路轉參
差碧春晚桂叢深日際山煙白芝英已可茹悠
然想泉石

玉女窻

玉女不可邀蒼崖鬱岩直石乳滴空竇仰見沈
寥碧徙倚難久留桂樹含春色

望望不可到行行何屈盤一徑林杪出千巖雲
下看煙嵐半明滅落照在峯端

和謝學士泛伊川

久不見南山依然已秋色悠哉川上行復邀城
中客木落山半空川明潦彌積夷猶白蘋裡笑
傲清風側極浦追念遠回峰高易夕

和楊子聰答聖俞月夜見寄

秋露藹已繁迢迢星漢回皎潔遮際月流光依

井苔有客愛涼景幽軒爲君開所思不可極但
慰清風來

雨中獨酌

老大世情薄掩關外郊原英英少年子誰肯過
我門宿雲屯朝陰暑雨清北軒逍遙一樽酒此
意誰與論

別聖俞

車馬古城隅喧喧分曉色行人念在塗居者徒
慘惻薄宦共羈旅論交喜金石薦以朋酒歡寧

知歲月適人事坐云變出處俄乖隔關山自茲
始揮袂舉輕策歲暮寒雲多野曠陰風積征蹄
踐嚴霜別酒臨長陌應念同時人獨爲未歸客

答錢寺丞憶伊川

之子問伊川伊川已春色綠芷雜青蒲清溪含
白石山阿昔留賞屐齒無遺迹惟有巖桂花留
芳待歸客

送劉十三南遊

泱泱汴河流櫓聲過晚浦行客問吳山舟人多

楚語春深紫蘭澤夏早黃梅雨時應賦登眺聊
以忘羈旅

送蟾上人遊天台

昔年在伊洛林壑每相從對掃竹間榻坐思湖
上峯自言伊洛波每起滄洲憶今茲道行遊千
里東南國都門汴河上柳色入青烟流水向淮
浦歸人隨越船東南徧林巘萬壑新流滿小桂
綠應芳江春日已晚藹藹赤城陰依依識古岑
一去誰復見石橋雲霧深

送徐生秀州法曹

一笑暫相從結交方恨晚猶茲簿領困况爾東
南遠落帆淮口暮採石江洲煖黃鶻可寄書惟
嗟雙翅短
立秋有感寄蘇子美
庭樹忽改色秋風動其枝物情未必爾我意先
已悽雖恐芳節謝猶懼早涼歸起步雲月暗顧
瞻星斗移故人在千里歲月令我悲所嗟事業
晚豈惜顏色衰國謀今謂何胡馬日正嘶

石晚飲

國詩今附

一徑入蒙密已聞流水聲行穿翠篠盡忽見青
山橫山勢抱幽谷谷泉含石泓旁生嘉樹林上
有好鳥鳴嘉我二三友偶同丘壑情環流席高
蔭置酒當崢嶸是時新雨餘日落山更明山色
也可愛泉聲難久聽安得白玉琴寫以朱絲繩
山鼓思二亭送光祿謝寺丞歸滁陽

二亭醉翁
豐樂也

吾嘗思醉翁醉翁名自我山林本真性章服偶
包裹君恩未知報進退奚爲可自非因讒逐決
去焉能果前時永陽謫衆皆悲坎軻山氣無

時幽花常婀娜石泉咽然鳴野豔笑而僂賓歡
正喧譁翁醉已岌峩惟茲二三子嗜好其同頗
因歸謝巖石爲予刻其左

吾嘗思豐樂魂夢不在身三年永陽羈幽谷最
來頻谷口兩三家山泉爲四鄰但聞山泉響豈
識山意春春至換羣物花開思故人故人今何
在憔悴穎之濱人去山自綠春歸花更新空令
谷中叟笑我種花勤

蘇詩選 卷十七 五

谷中送朱生

萬物各有役無心獨浮雲遂令幽居客日與山
雲親植桂北芳操佩蘭思潔身何必濯於水本
無纓止塵兩三家山泉為四澗山泉響
雪晴樂賦夢不
悠悠野水來灑灑西溪闊曉日披宿雲荒臺照
殘雪風光變窮臘歲律新陽月凍草意初回綠
醉浮可撥人閑樂朋友鳥哢知時節豈止探芳
菲耕桑行可閱

竹間亭

高亭照初日竹影涼蕭森新篁漸解籜翠色日
已深雨多苔莓綠幽徑無人尋靜趣久斯得暫
來聊解襟清風颭然生鳴鳥送好音佳時不易
遇濁酒聊自斟與盡卽言返重來期抱琴

箕山

朝下黃蘆坂夕望箕山雲緬懷巢上客想彼巖
中人弱歲慕高節壯年嬰世紛湫流羨潁水振
衣嗟洛塵空祠亂驚鳥山木含餘曛聊茲謝芝

蘇詩選 卷十七 六

桂歸月及新春

西園

落日叩谿門西溪復何所人侵樹裏耕花落田
中雨平野見南山荒臺起寒霧歌舞昔云誰今
人但懷古

會峰亭

山勢百里見新亭壓其巔羣峰漸靡迤高下相
綿聯下窺疑無地杳藹但蒼煙是時新雨餘衆
壑鳴春泉林籟靜彌響山光晚逾鮮巖花爲誰

開春去夏復妍野鳥窺我醉谿雲留我眠日暮
山風來吹我還醒然醉醒各任物雲鳥徒留連
晚步綠陰園遂登凝翠亭

三春去已遠綠水涵新塘漸愛樹陰密初迎蕙
風涼高亭可四望繞郭青山長野色晚更好嵐
曛共微茫幽懷不可寫雅詠同誰觴明月如慰
我開軒送清光

送孔生再遊河北

志士惜白日高車無停輪孔生東魯儒年少勇

且仁大軸獻公卿長裾弊街塵門無黃金聘家
有白髮親寒風入九月北渡大河津玉塞積精
甲金戈耀秋雲短褐不自暖高談吐陽春北州
多賢侯待士誰最勤一見贈雙壁再見延上賓
丈夫惜不遇豈患長賤貧

留題鎮陽潭園

官雖鎮陽居身是鎮陽客北園潭上花安問誰
所植春風無先後爛熳爭紅白一花聊一醉盡
醉猶須百而我病不飲對花空歎息朝來不能

歸暮看不忍摘謂言花縱落滿地猶可席空餘
綠潭水尚帶餘春色

遊瑯琊山

南山一尺雪雪盡山蒼然澗谷深自暖梅花應
已繁使君馱騎從車馬留山前行歌招野叟其
步青林間長松得高蔭盤石堪醉眠止樂聽山
鳥携琴寫幽泉愛之欲忘返但苦世俗牽歸時
始覺遠月出高峯巔

幽谷泉

履作詩選 卷之八
踏石弄泉流尋源入幽谷泉傍野人家四面深
篁竹漑稻滿春疇鳴渠遶茅屋生長飲甘泉陰
泉栽美木潺湲無春冬日夜響山曲

秋晚凝翠亭

黃葉落空城青山遶官廨風雲淒已高歲月驚
何邁陂田寒未收野水淺生派晴林紫榴坼霜
日紅梨曬蕭疎喜竹勁寂寞傷蘭敗叢菊如有
情幽芳慰孤介嘉客日可携寒醅美新醪登臨
無厭頰冰雪行卽屆

蟲鳴

蟲鳴 魚甫 八月 具 徵 會 效 之 詩
葉落秋水冷衆鳥聲已停陰氣入牆壁百蟲皆
夜鳴蟲鳴催歲寒唧唧機杼聲時節忽已換壯
心空自驚平明起照鏡但畏白髮生

有馬示徐無黨

有馬示徐無黨 二 三公 韻 外 賦 魚 類 詩 四
吾有千里馬毛骨何蕭森疾馳如奔風白日無
留陰行驅當大道步驟中五音六轡應吾手調
和如瑟琴東西與南北高下復山林惟意所欲
適九州可周尋至哉人與馬其樂不相侵

依韻奉酬聖俞二十五兄見贈之作

與君結交游我最先衆人我少旣多難君家常
苦貧今爲兩衰翁髮白面亦皺念君懷中玉不
及市上珉珉賤易爲價玉棄久埋塵幸同居京
城遠不隔重闔朝罷二三公隨我如魚鱗君聞
我來喜置酒留逡巡不待主人請自脫頭上巾
歡情雖漸鮮老意益相親窮達何足道古來茲
理均

奉答原甫九月八日見過會飲之作

老大惜時節少年輕別離我歌君當和我酌君
勿辭豔豔庭下菊與君吟繞之擷其黃金蘂泛
此白玉卮君勿愛此花問君今何時秋風日益
高霜露漸離披芳歲忽已晚朱顏從此衰念君
將捨我車馬去有期君行一何樂我意獨不怡
飛兔不戀羣奔風誰能追老驥但伏櫪壯心良
可悲

上八晚泊岳陽

卧聞岳陽城裡鐘繫舟岳陽城下樹正見空江

明月來雲水蒼茫失江路夜深江月弄清輝水
上人歌月下歸一闕聲長聽不盡輕舟短棹去
如飛

奉使道中作

執手意遲遲出門還州州無嫌去時速但願歸
時早北風吹雪犯征裘夾路花開回馬頭若無
一月還家樂爭柰千山遠客愁
為客莫思家客行方遠道還家自有曠空使朱
顏老禁城春色暖融怡花倚春風待客歸勸君

還家須飲酒記取思歸未得時

壽樓

碧瓦照日生青煙誰家高樓當道邊昨日丁丁
斤且斲今朝朱欄橫翠幕主人起樓何太高欲
誇富力壓羣豪樓中兒女十五六紅膏畫眉雙
鬢綠日暮春風吹管絃過者仰首皆留連應笑
樓前騎馬客腰垂金章頭已白

試院聞奚琴作

奚琴本出奚人樂奚虜彈之雙淚落抱琴置酒

歷代詩選 宋國陽永叔 十一
試一彈曲罷依然不能作黃河之水向東流
鳧飛雁下白雲秋岸上行人舟上客朝來暮去無
今昔哀絃一奏池上風忽聞如在河舟中絃聲
千古聽不改可憐纖手今何在誰知着意弄新
音斷我罇前今日心當時應有曾聞者若使重
聽須淚下

初伏日招王幾道小飲

北園數畝官牆下嗟我官居如傳舍滹沱北渡
馬踏冰西山病歸花已謝落英不見空繞樹細

草初長猶可藉空園一鎖不復窺不覺芳蹊繁
早夏隔牆時時聞好鳥如得嘉客聽清話今朝
試去繞園尋綠李橫枝礙行馬蒲萄憶見初引
蔓翠葉陰陰還滿架紅榴最晚子已繁猶有殘
花藏葉罅人生有酒復何求官事無了須偷暇
古云伏日當早歸况今著令許休假能來解帶
相就飲爲子掃月開風榭

新霜

天雲慘慘秋陰薄卧聽北風鳴屋角平明驚鳥

四散飛一夜新霜羣木落南山鬱鬱舊可愛千
仞巉巖如刻削林枯山瘦失顏色我意豈能無
寂寞泉傍菊花芳爛漫短日寒輝相照灼無情
木石尚須老有酒人生何不樂

北風吹沙

北風吹沙千里黃馬行確犖悲摧藏當冬萬物
慘顏色冰雪射日生光芒一年百日風塵道安
得朱顏長美好攬鞍鞭馬行忽遲酒熟花開二
月時

和聖俞感李花

昨日摘花初見桃今日摘花還見李晴風暖日
苦相催春物所餘知有幾中年多病壯心衰對
酒思歸未得歸不及牆根花與草春來隨處自
芳菲

刑部看竹效孟郊體

花妍兒女姿零落一何速竹色君子操猗猗寒
更綠京師多名園車馬紛馳逐春風紅紫時見
此蒼翠玉凌亂委青苔蕭疎拂華屋森森日影

閑濯濯生意足幸此接清賞寧辭薦芳醪黃昏
人去鎖空廊枝上月明春鳥宿

送公期得假歸絳

風吹積雪銷太行水暖河橋楊柳芳少年初仕
卽京國故里幾歸成鬢霜山行馬瘦春泥滑野
飯天寒餽粥香留連芳物佳節過束帶還來朝
未央

歸田四時樂春夏二首

春風二月三月時農夫在田居者稀新陽晴暖

動膏脉野水泛濫生光輝鳴鳩聒聒屋上啄布
穀翩翩桑下飛碧山遠映丹杏發青草暖眠黃
犢肥田家此樂知者誰吾獨知之胡不歸吾已
買田清潁上更欲臨流作釣磯

南風原頭吹百草草木叢深茅舍小麥穗初齊
稚子嬌桑葉正肥蠶食飽老翁但喜歲年熟餉
婦安知時節好野棠梨密啼晚鶯海石榴紅嘖
山鳥田家此樂知者誰我獨知之歸不早乞身
當及疆健時顧我蹉跎已衰老

余作歸雁亭于滑州後十有五年梅公儀
來守是邦因取余詩刻于石又以長韻見

寄因以答之

風吹城頭秋草黃仰見鳴雁初南翔秋草風吹
春復綠南鴻北飛聲肅肅城下臺邊桃李蹊憶
初披荒手植之雪消冰解草木動因記鴻雁將
歸時爾來十載空遺跡飛雁年年自南北臺傾
餘址草荒涼樹老無花春寂歷東州太守詩成
美組織文章爛如綺長篇大句琢方石一日都

城傳百紙我思古人無不然慷慨功名垂百年
沈碑身後念陵谷把酒泣下悲山川一時留賞
雖邂逅後世傳之因不朽

鴨鳩詞

龍樓鳳閣鬱崢嶸深宮不聞更漏聲紅紗蠟燭
愁夜短綠窻鴨鳩催天明一聲兩聲人漸起金
井轆轤聞汲水三聲四聲促嚴粧紅靴玉帶奉
君王萬年枝軟風露濕上下枝間聲轉急南衙
促仗三衛列九門放鑰千官入重城禁籞鎖池

臺此鳥飛從何處來君不見潁河東岸村陂闊
山禽野鳥常嘲啗田家惟聽夏鷄聲夜夜壠頭
耕曉月

新春有感寄常夷甫

余生本羈孤自少已非壯今而老且病何用苦
惆悵誤蒙三聖知貪得過其量恩私未知報心
志已凋喪軒裳德不稱徒自取譏謗豈若常夫
子一瓢安陋巷身雖草莽名在朝廷上惟余
欽德義久已慕恬曠矧亦有吾廬東西正相望
不須駕柴車自可策藜杖坐驚顏鬢日摧頽及
取新春歸去來共載一舟浮野水焦陂四面百
花開

憶焦陂

焦陂荷花照水光未到十里聞花香焦陂八月
新酒熟秋水魚肥鱸如玉清河兩岸柳鳴蟬直
到焦陂不下船笑向漁翁酒家保金龜直解不
須錢

贈許道人

洛城三月亂鶯飛
 潁陽山中花發時
 往來車馬遊山客
 貪看山花踏危石
 紫雲仙洞鎖雲深
 洞中有人人不識
 飄飄許子旌陽後
 道骨仙風本仙胄
 多年洗耳避世喧
 獨卧寒巖聽山溜
 忽來顧我何慙慙
 笑我白髮埋紅塵
 子歸為築巖前室
 待我明年乞得身

啼鳥

崇政後殿考試舉人卷子作

提葫蘆提葫蘆不用沽美酒
 官壺日賜新撥醅
 老病足以扶衰朽
 百舌子百舌子莫道泥滑滑

宮花正好愁雨來
 暖日方催花亂發
 苑樹千重綠暗春
 珍禽綵羽自成羣
 花開祇慣迎黃屋
 鳥語初驚見外人
 畫簾陰陰隔官燭
 禁漏千門何轟轟
 可憐枕上五更聽
 不似滁州山夢足

閒居卽事

巷有容車陋門無載酒
 過池喧蛙怒雨客去雀
 驚羅握臂如枝骨
 哀絃擊筋歌無慘
 漳浦卧還似詠中阿

夜意

惠炷爐薰斷蘭膏燭燼煎夜風多起籟曉月漸
虧弦鵲去星低漢烏啼樹暝烟惟應墻外柳三
起復三眠

早夏鄭工部池園

夜雨殘芳盡朝暉宿霧收蘭香纔馥徑柳暗欲
翻溝夏木繁堪結春蹊翠已稠披襟楚風快伏
檻更臨流

雙桂樓

嘉樹叢生秀危樓碧漢傍飛甍臨萬井伏檻出

垂楊卷幕晴雲度披襟夕籟涼山河瞻帝里風
月坐胡牀愛客東阿宴清歡北海觴淮南多雅
詠歲晚翫幽芳

題張應之縣齋

小官歎簿領夫子卧高齋五斗未能去一丘真
所懷綠苔長秋雨黃葉堆空堦縣古仍無柳池
清尚有蛙琴觴開月幌窓戶對雲崖嵩少亦堪
老行當與子偕

早春南征寄洛中諸友

楚色窮千里行人何苦賒芳林逢旅雁候館噪
神鴟春入河邊艸花開水上槎東風一樽酒新
歲獨思家

柴舍人金霞閣

簷前洛陽道下聽走轅聲樹陰春城綠山明雪
野晴雲藏天外闕日落柳間營緩步應多樂壺
歌詠太平

晉明院避暑

選勝避炎鬱林泉清可嘉拂琴驚水鳥代塵折

山花就簡刻筠粉浮甌烹霧芽歸鞍微帶雨何
惜角巾斜

題淨慧大師禪齋

巾履諸方徧莓苔一室前萎花吟次落孤月定
中圓齋鉢都人施談機海外傳時應暮鐘響來
度禁城烟

題張損之學士蘭臯亭

碕岬接芳蹊琴觴此自怡林花朝落砌山月夜
臨池雨積蛙鳴亂春歸鳥弄移惟應乘興客不

待主人知

送王汲宰藍田

喧喧動車馬共出古都門
落日催行客東風藉酒樽
樹搖秦甸綠花入輞川繁
若遇西來旅時因問故園

徽安門曉望

都門收宿霧佳氣鬱葱葱
曉日寒川上青山白霧中
樓臺萬瓦合車馬九衢通
恨乏登高賦徒知京邑雄

送孟都官知蜀州

名郎辭粉署佳郡出關西
幾驛秦亭盡千山蜀鳥啼
朱輪照綠野尺芋覆秋畦
向闕應東望雲深隴樹迷

南征回京至界上驛先呈城中諸友

朝雲來少室日暮向箕山
本以無心出寧隨倦客還
春歸伊水綠花晚洛橋閑
誰有餘罇酒相期一解顏

廣愛寺

都人布金地紺宇巋然存山氣蒸經閣鐘聲出
禁門老杉春自綠古壁雨先昏底事幽人屐偏
留石蘚痕

陪府中諸官遊城南

一雨郊圻迥新秋榆棗繁田荒溪溜入禾熟雀
聲喧燒出空槎腹人耕廢廟垣閑追向城客落
日隱高原

智蟾上人游南岳

終日念雲壑南歸心浩然青山入嶺路白水望

湖田野渡惟浮鉢山家少施錢到時春尚早收
茗綠巖前

警夏秋郊曉行

寒郊桑柘稀秋色曉依依野燒侵河斷山鴉背
日飛行歌採樵去荷鍾刈田歸秫酒家家熟相
邀白竹扉

被牒行縣因書所見呈寮友

周禮恤凶荒輶車出四方土龍朝祀雨田火夜
驅蝗木落孤村迥原高百草黃亂鷗鳴古堞寒

雀聚空倉桑野人行鱸魚陂鳥下梁晚煙茅店
月初日棗林霜墜戶催寒候叢祠禱歲穰不妨
行覽物山水正蒼茫

又行處作

秋色滿郊邑人行禾黍間雉飛橫斷澗燒響入
空山野水蒼煙起平林夕鳥還嵩嵐久不見寒
碧更孱顏

河南王尉西齋

寒齋日蕭索天外敞簷楹竹雪晴猶覆山窻夜

自明禽歸窺野客雲去入重城欲就陶潛飲應
須載酒行

風軟晚過水北

寒川消積雪凍浦漸東流日暮人歸盡沙禽上
釣舟

離彭婆值雨投臨汝驛回寄張九屯田司

錄

投館野花邊羸驂晚不前山橋斷行路溪雨漲
春田樹冷無棲鳥村深起暮煙洛陽山已盡休

更望伊川無楚島林
送丁元珍峽州判官
爲客久南方西遊更異鄉
江通蜀國遠山閉楚
祠荒油幕無軍事清猿斷
客腸惟應陪主諾不
費日飛觴

夏侯彥濟武陟尉

風煙接孟懷井邑富田垓
河近聞冰坼山高見
雨來官閑同小隱酒美足
啣盃好去東籬菊迎
霜正欲開

初至夷陵答蘇子美見寄

三峽倚岩堯同遷地最遙
物華雖可愛鄉思獨
無聊江水流清嶂猿聲在
碧霄野篁抽夏筍叢
橘長春條未臘梅先發
經霜葉不凋江雲愁蔽
日山霧晦連朝斫谷爭收
漆梯林鬪摘椒巴賓
船賈集蠻市酒旗招時節
同荆俗民風載楚謠
俚歌成調笑捺鬼聚喧囂
得罪宜投裔包羞分
折腰光陰催晏歲牢落慘
驚飈白髮新年出朱
顏異域銷縣樓朝見虎官
舍夜聞鷄寄信無秋

雁思歸望斗杓須知千里夢長繞洛州橋

春雪

逗曉風聲惡寒簾雪片斜應憐未歸客故剪欲
開花病思寒添睡春愁夢在家誰能慰寂寞惟
有酌流霞

謁廟馬上有感

旌旆曉悠悠行驚歲已適霜雲依日薄野水帶
冰流富庶齊三服山川禹九州自憐思穎意無
異旅人愁

送趙山人歸舊山

屈賈江山恨不休霜飛翠葆忽驚秋吟拋楚國
蘭苕思歸有淮南桂樹留聒耳春池蛙兩部比
封秋塢橘千頭嗔條怒穎真堪愧莫染衣塵更
遠游

傷春

蕙蘭蹊徑失芳期風雨宵深怯減衣卷箔高樓
驚燕入揮絃遠目送鴻歸荔催釀蜜愁花盡柳
撲暄條妬雪飛欲識傷春多少恨試量衣帶付

歷代詩選 宋國陽永叔

腰圍

公子

黃山開苑獵初回
絳樹分行舞遞來
下馬春場雞鬪距
鳴弦日圃雉驚媒
犀投博齒呼成白
橋隔車音聽似雷
不問春蠶眠未起
更尋桑陌到秦臺

送目

送目衡阜望不休
江蘋高下徧汀洲
長堤柳曲妨搔首
小苑花深礙倚樓
楚徑蕙風消病渴
洛

城花雪蕩春愁流
杯三日佳期過擲
度蘭陂負勝游

劉秀才昉宅對奕

烏巷招邀謝墅中
紫囊香佩更臨風
塵驚野火遙知獵
目送雲蘿但聽鴻
六着比犀鳴博勝
百嬌將矢捧壺空
解衣對子歡何極
玉井移陰下翠桐

奉送叔父都官知永州

虎頭盤綬早垂紳
青組名郎領郡新
畫鷁千艘

歷代詩選 宋欽易水 又卷十七 五

隨下瀨聽雞五鼓送行人楚波漾處萍如日淮
月開時蚌有津千里壺漿民詠溢檣烏旗隼下
汀蘋

柳

綠樹低昂不自持河橋風雨弄春絲殘黃淺約
眉雙歛欲舞先誇手小垂立馬折鞍催遠道落
梅橫笛其餘悲長亭送客兼迎雨費盡春條贈
別離

卽目

李徑陰森接翠疇押簾風日澹清秋晚烏藏柳
棲殘照遠燕傷風失故樓星漢經年雖可望雲
波千疊不緘愁平居革帶頻移孔誰問無膠沈
隱侯

送友人南下

河橋別柳減春條隔浦拏音聽已遙千里羹蓴
誇敵酪滿池漉稻欲鳴蜩東風楚岸神靈雨殘
月吳波上下潮如弔湘纍攀杜若秋江斜日駐
蘭橈

宿雲夢館

北雁來時歲欲昏
鄉書歸夢杳難分
井桐葉落池荷盡
一夜西窗雨不聞

寄題嵩巫亭

平地煙霄向此分
繡楹丹檻照清芬
風簾暮捲秋空碧
剩見西山數嶺雲

琵琶亭

樂天曾謫此江邊
已嘆天涯滄泫然
今日始知余罪大
夷陵此去更三千

初至虎牙灘見江山類龍門

曉鼓潭潭客夢驚
虎牙灘上作船行
山形酷似龍門秀
江色不如伊水清
平日兩京人少壯
今年三峽歲崢嶸
卧聞乳石淙流響
疑是香林八節聲

送致政朱郎中

平生不省問田園
白首忘懷道更尊
已納印章辭北闕
稍留冠蓋餞東門
馮唐老有爲郎戀
踈廣終無任子恩
今日榮歸人所羨
兩兒腰綬擁

高軒

棖子

嘉樹團團俯可攀
壓枝秋實漸爛斑
朱欄碧瓦清霜重
粲粲繁星綠葉間

行次壽州寄內

紫金山下水長流
嘗記當年此共遊
今夜南風吹客夢
清淮明月照孤舟

西湖泛舟呈運使學士張揆

波光柳色碧溟濛
曲渚斜橋畫舸通
更遠更佳

惟恐盡漸深
漸密似無窮
綺羅香裏留佳客
絃管聲來颺晚風
半醉迴舟迷向背
樓臺高下夕

陽中

過塞

身驅漢馬踏胡霜
每嘆勞生祗自傷
氣候愈寒人愈北
不如征雁解隨陽

送石揚休還蜀

長愛謫仙誇蜀道
送君西望重吟哦
路高黃鵠飛不到
花發杜鵑啼更多
清禁寒生鳳池水
繡

唐詩選
衣榮照錦江波昔年同舍青衿子夾道歡迎鬢
已皤

久在病告近方赴直偶成拙詩二首

經時移病久端居玉署新秋此直廬夜靜樓臺
落銀漢人閑鈴索少文書江湖未艾年華晚燈
火微涼暑雨初敢向聖朝辭寵祿多慚清禁養
慵踈

其二

清晨下直大明宮馳馬悠然宿霧中金闕雲開

滄海日天街雨後綠槐風歲華忽忽雙流矢鬢
髮蕭蕭一病翁名在玉堂歸未得西山盡閣興
何窮

春日詞

宮壇春陌賽牛回玉瑄東風逗曉來不待額梅
傳遠信剪刀先放綵花開

試粉東窓待曉回共尋春柳傍香臺不驚樹裏
禽初變其喜釵頭燕已來

待曉銅荷剪蠟煤繡簾春色犯寒來畫眉不待

歷代詩選 宋國陽永叔
張京兆自有新粧試落梅

雁

來時沙磧已冰霜飛過江南木葉黃
水闊天低雲暗澹朔風吹起自成行

釣者

風牽釣線裊長竿短笠輕簑細草間
春雨濛濛看不見水煙埋却面前山

余昔留守南都得與杜祁公唱和詩有答
公見贈二十韻之卒章云報國如乖願歸

耕寧買田期無辱知己肯逐利名遷逮今
二十有二年祁公捐館亦十有五年矣而
余始蒙恩得遂退休之請追懷平昔不勝
感涕輒爲短句寘公祠堂

掩涕發陳編追思二十年門生今白首墓木已
蒼煙報國如乖願歸耕寧買田此言今始踐能
不愧黃泉

贈潘道士

門無車轍紫苔侵雞犬蕭條陋巷深
寄語彈琴

潘道士雨中尋得越江吟

初出真州泛大江作

孤舟日日去無窮
行色蒼茫杳靄中
山浦轉帆迷向背
夜江看斗辨西東
漉田漸下雲間雁
霜日初丹水上楓
蓴菜鱸魚方有味
遠來猶喜及秋風

戲答元珍

春風疑不到天涯
二月山城未見花
殘雪壓枝猶有橘
凍雷驚笋欲抽芽
夜聞歸雁生鄉思
病

入新年感物華
曾是洛陽花
下客野芳雖晚不
須嗟

夷陵書事寄謝三舍人

春秋楚國西偏境
陸羽茶經第一州
紫籜青林長蔽日
綠叢紅橘最宜秋
道塗處險人多負
邑屋臨江俗善酒
臘市漁鹽朝暫合
淫祠簫鼓歲無休
風鳴燒入空城響
雨惡江崩斷岸流
月出行歌聞調笑
花開啼鳥亂鉤輻
黃牛峽口經新歲
白玉京中夢舊游
曾是洛陽花下客
欲誇風

物向君羞

寄梅聖俞

青山四顧亂無涯
雞犬蕭條數百家
楚俗歲時多雜鬼
蠻鄉言語不通華
繞城江急舟難泊
當縣山高日易斜
擊鼓踏歌成夜市
邀龜卜雨趁燒畚叢林白
晝飛妖鳥庭砌非時見
異花惟有山川爲勝絕
寄人堪作畫圖誇

寄子山待制二絕

留滯西山獨可嗟
殘春過盡始還家
落花縱有

那堪醉何況歸時無落花

聞君屢醉賞紅英
落盡殘花酒未醒
嗟我落花無分看
莫嫌狼藉掃中庭

寄秦州田元均

由來邊將用儒臣
坐以威名撫漢軍
萬馬不嘶聽號令
諸蕃無事著耕耘
夢回夜帳聞羌笛
詩就高樓對隴雲
莫忘鎮陽遺愛在
北潭桃李正氛氲

寄劉都官

歷代詩選 宋 歐陽永叔 卷十七 三
別後山光寒更綠秋清酒美色仍清繞亭黃菊
同君賞獨對殘芳醉不成

書王元之畫像側

偶然來繼前賢迹信矣皆如昔日言諸縣豐登
少民事四時遊覽荷君恩想公風采常如在顧
我文章不足論名姓已光青史上壁間容貌任
塵昏

豐樂亭遊春

紅樹青山日欲斜長郊草色綠無涯遊人不覺

春將老來往亭前踏落花

金鳳花

憶繞朱欄手自栽綠叢高下幾番開中庭雨過
無人迹狼藉深紅點綠苔

憶滁州幽谷

滁南幽谷抱千峯高下山花遠近紅當日辛勤
皆手植而今開落任春風主人不覺悲華髮野
老猶能說醉翁誰與援琴親寫取夜泉聲在翠
微中

又和梅聖俞元夕登東樓

憑高寓目偶乘閑
袷服遊人見往還
明月正臨雙闕上
行歌遙聽九衢間
黃金絡馬追朱幘
紅燭籠紗照玉顏
與世漸疎嗟老矣
佳辰樂事豈相關

無人出省有日書事

凌晨小雨壓塵輕
閑憶登高望禁城
樹色連雲春泱泱
風光著草日晴明
看榆吐莢驚將落
見鵲移巢忽已成
誰向兒童報歸日
為翁寒食少

留錫

唐崇徽公主手痕和韓內翰

故鄉飛鳥尚啁啾
何況悲笳出塞愁
青塚埋魂知不返
翠崖遺迹倩誰留
玉顏自古為身累
肉食何人與國謀
行路至今空嘆息
巖花澗草自春秋

夜宿中書東閣

翰林平日接羣公文
酒相歡慰病翁
白首歸田徒有約
黃扉論道愧無功
攀髯路斷三山遠
憂

歷代詩選 宋國陽承叔
國心危百箭攻今夜靜聽丹禁漏尚疑身在玉
堂中

送王學士赴兩浙轉運

漢家財利析秋毫暫屈清才豈足勞邑屋連雲
盈萬井舳艫銜尾列千艘春寒欲盡黃梅雨海
浪高翻白鷺濤平昔壯心今在否江山猶得助
詩豪

送道州張職方

桂籍青衫憶共遊憐君華髮始爲州身行南雁

不到處山與北人相對愁莫爲高才輕遠俗當
令遺老識賢侯三年解組來歸日吾已先耕穎
水頭

石倉十二代詩選

宋詩卷之十七

歷代詩選

宋歐陽永叔

卷五



